

UTL AT DOWNSVIEW



D RANGE BAY SHLF POS ITEM C
39 10 12 04 14 001 7

PLEASE DO NOT REMOVE
CARDS OR SLIPS FROM THIS POCKET


UNIVERSITY OF TORONTO LIBRARY

BP
170
.3
A34

Ahmet Mithat
İstibşār

100

100



Digitized by the Internet Archive
in 2010 with funding from
University of Toronto

<http://www.archive.org/details/stibrmit00ahme>

Ahmet Mithat
İstibşâr

۱ استبشار ۱

منی آمریقاده نشر اسلام تشبثی

محرری

احمد مدحت

(ترجمان حقیقت) غزته سنه درج ایدلد کدن صکره

معارف نظارت جلیله سنک رخصتیه

آریجه کتاب شکننده دخی طبع اولمشدر

درس-مادت

۱۳۱۰

1015438



استبشار

آمریقاء نشر اسلام تشبثی

BP
170
.3
434

رمضان شریف ملت بیضای اجدیدہ ناک
کمال شوق و سرور و غایت ذوق و حبور ایلہ
متوسل عبادات و طاعات اولدقلری برشہر مبارک
و مسعود اولوب بوشہر شریفہ اهل اسلامک
شوق و ذوقنی و سرور و حبورینی آرتدیرہ حق
یولده النان خبرلری جلد استبشار اتدن عد ایتکہ
یردن کوکہ قدر حقمز واردرہ انجفی بر خبرک
درجہ تبشیرینی بحق تقدیر ایچون مخرعنه اولان
مسئلیہ تعلق ایدن مقدماتی فکر و نظر دم استحضار
وجع ایتلیدرہ والا اک بیوک تبشیر اتدن معدود
اولان خبرلرک بیلہ شئونات عادیہ یومیہ دن پکده
فرقی قالمز .

« تدین » دینن امر جلیلک « تمدن » دینن
دیگر امر جلیل ایله او قدر مناسبتی واردر که
ظاهرده کی صورت تلفظ واملالرنده کی مشابهلر-
ندن پک چوق زیاده اولق اوزره بونلر حقیقتده
یکدیگرینک همان لازم و ملزومی کیدر لر. واقعا
اوروپانک بر قسم اهاالیسنده حلیه تدیندن تجرد
غیرتی ده کوریلور ایسه ده بولندقلری یرلره کوره
آنا رشیست صوسیالیست نهیلیست کبی ناملر ایله
یاد اولنان بو آدمردده کی او غیرتک کندیلرینی کافه
قوانین حسننه مدنیه نک خارجه چیقارته رق
حقوق غیره عدم رعایت وکندی ادنا منفعلری
یولنده بتون جهانی فدا صورتنده کی تشبثلری
بونلرک حقیقت وحشته تقربلرینی اثبات ایتزمی ؟
حسبخانه لر اکثریا بونلرله طولی و سیاستگاه
اکثریا بونلرک یولی اولسدیغی کندی غزته لرنده
هر زمان کوریلوب طور ییوره. حالبوکه ممالک
مترقیه وتمدنه عنوانی التنده اکلاشیلان اوروپا
و آمریقاده بر بیوک خلق تدین ایله تمدن آره سنده کی
مناسبت قریبه یی پک کوزل تقدیر ایدرک یعنی
اخصانلرک ترقیات ماده سی تمدن ایله حصوله کلیور

ایسه ترقیات معنویه سی دخی مطلقا تدین ایله
حصوله کلیور اولدیغنی کوره رک کندی منسوبه
اولدقلری دینلرک احکامنه ا کا کوره رعایت
غیرتنه دوشیورلر .

ادیان مذکورهنک احکامی حقیقه شایسته
رعایت شیلر میدر ؟ واربابنک رعایتلری دخی نه
نسبتده بر رعایتدر ؟ بومقاله بخشک بوجهتلری
ایچون جای مقایسه دکلدر . بوراده بزه لازم
اولان شی ممالک متمدنه و مترقیه ده غیرت دینییه
ترک ایتش برچوق کیسه لر بولمغه مقابل اوغیرتی
مع زیاده التزام ایتش آدملرک دخی دیکر لرندن
آز اولدقلرینی و غیرتسزلر تخریبات دینییه سالک
ایسه لر غیرتیلرک دخی تعمیرات و تأییداته ساعی
اولدقلرینی کورمکدر . بونک ایچون دخی برقاج
یوز سنه دنبری کلش اولان مشاهدن قطع نظرله
همان شوکندی زمانمزه ارنست رنانلرک وله تو
تاقسیللرک یانلرنده ایساق تایلرلرک لایویرمه ریلرک
بولندقلرینی کورمک کافیدر . هله له تو تاقسیله
عمرینک بر بیوک قسمی تخریبات دینییه غیرتندم
کچورمش اولدیغنی حالده بالاخره ندامت ایدرک

نقسم اخيرىنى ده عبادات و طاعاتده كچورمكه قرار
ويرمش اولسى غايت معنيدار و لطيفدر .

حقيقت اوروپا و امريقاده كى غيرت دينيه يى
مقايسه ايچون بوايكى مملكتدن ممالك سائر مه
اخراج اولنان ميسيونرلى دوشونمك كافيدر .
برقاچ يوز سنه دنبرى اك اوزاق مملكتلره قدر
قاچ ميسيونر هيئتلى كوندردلدىكى و بونلرك
بيوك فداكارلقلره مقابل نه قدرده فائدهلى ايشلر
كوردكلرىنى انسان دوشوندكجه بوغيرتك درجه سنى
بك بيوك بولهرق اكر قلبنده برازده حيت اسلاميه
بولنورسه « آه ! بزده اوله سجه غيرت ! »
ديمامسى قابل اوله من . واقعا ذكر اولنان
ميسيونرلك واردقلى يرلرده برچوق دخى
فناقللى كوردلىكى قابل نسيان دكلدر . حتى
قلم عاجزك بيله بواويغونسزلقللى مؤاخذه ده
اولانجه شدتنى كوستروب وظيفه انسانيت پروريسى
ايفا ايتمش اولسى بر درجه ده قدر موجب تشفيدر .
انحق بومقاله ده مطلوب اولان شى اشبو ميسيو-
نرلك ايولكى فناغى مسئله سى ده اوليوب بلكه
بونلرك اوروپا و امريقاده بر بيوك غيرت دينيه

بولنديغنى اثباته مدار اوله جغتلى مسئله سنده يزكه
 فى الواقع شود لالت صريحه لرينه قارشو برديه جك
 بولنه مز . يوقسه جهانده هيچ برشى نه بسيطاً
 حسن اولور نه ده بسيطاً قبيح . هر شيئك بعض اى
 جغتلى بولنوب مدح و بعض ده فنا جغتلى
 بولنوب ذم اولنه بيلور . نصل كه ميسونر لك
 وارد قلى يرلرده كى اويغونسزل قلى اوزون
 اوزادى يه يازلمش اولسنه مقابل بونلك سولفاتو
 كى اك كوزل علاج لمزدن برطا قلىنى و پاتاس
 و دو ماس كى اك كوزل ما كولا تمزدن برچو-
 قلىنى كشف ايلد كلى و جغرافيا و هيئت و طبقات
 الارض علم لريله علم حيوانات و نباتات و سائر يه
 حقيقه پك كيتلى خدمتلى اولديغى كندى لرى
 مدافعه ايلد كلى صرده كندى قلم لريله دخى
 يازلمشدر . لكن تكرار ايدوز كه كرك قاتولىك
 كرك پروتستان مذهبنه ذاهب اولان اوروپا
 و آمريكا اهالىسى مياننده اشبو ميسونر هيئتلىر-
 ينك مصارف كليه لرى تعهد و تحمل ايدو جك
 قدر بيكارجه حتى يوز بيكارجه آدم بولمى
 بر بيوك غيرت دبنيه اثبات ايدو جكى كى او مصرفلى

ایله ال اوزاق مملکتله قدر کیدرک اقتضا ایدر
ایسه فدای جانندن کپرو طور میه جق یوزلرجه
وحتی بیسکارجه کنج دینج آدم میدانله چیقیمی ده
او غیرت دینه ناک درجه سنی بیولتدجه بیولتور
عجبا بو غیرت دینه عقیم می قالمشدر؟ بیولده
ایدیلن فدا کارلقلرک ثمرات لایقه سی النده ییش
میدر؟ زیرا ادنا بر مطالعه و تأمل کوستر اثبات
ایدرکه اوروپاچه میسیونرلکه لزوم کورونمش
اولان چند عصر دنبری بیولده صرف اولنان
پاره لر امکلر حقیقه پک چوغه وارمش اولوب
بونلره پک متناسب اولد بیله جک ثمرات دخی
اقتطاف ایدلمش اولق لازم کله جک اولسه میسیون
نرلرک واردقلری یرلرده ادیان قدیمه دن هیچ
بر اثر قالمش اولق اقتضا ایده جکدر .

بوابده موفقیتک حصول وعدم حصولی
اوکوزل غیرت دینه اربانه صور میکنز . زیرا
سزه پک مأیوسانه برطور ایله جزاب رد ویررلر
میسیونرلرک واردقلری یرلرده ادیان قدیمه دن اثر
براقلمدیغی شویله طورسون حتی کندی کتوره
دکلری مذهب جدیدی برکوزله یرلشدیردکاری ده

شوطرفه قاسون قارشولرینه هیچ اومدقلری
صورتده بشقه برغیرت چیقهرق اوغیرتک کندی
تاب وتوانلرینی کسمش اولدیغنی بیلله اعتراف
ایلرلر .

بونلرک قارشوسنه چیقان اوغیرت هانکی
غیرت اولمشدر . اکلا دیکزمی ؟ غیرالله !

* *

یوقاروکی فقره مزک صوکنده بردنبره تجلی
ایدی ویرن غرابت جلیله وجلیله نی — کندیسنی
احاطه ایدن بعض ظلامدن تخلیص ایتلیدرکه —
هیچده استغراب واستبعاد اولنهمیه جق طبایع
اموردندر دیه تلقی ممکن اولسون .

ممالک مترقیه ومتمدنه ده آثاریلله مشاهده اولنان
بوغیرت دینی نهک نفس الامرده پک مقبول وممدوح
برغیرت جلیله اولدیغنی کیم انکار ایده بیلور ؟
یوزلرجه سنه دوام ایدرک هیچ بروقتده درجه سی
اکسیلیان وکیتدکجه آرتان بوغیرتک اوילה عقیم
چیتی ویرمسی دخی موجب استغراب اولمالیدره
چونکه بو عقامت یالکز برنقطه نظر دندر . دیگر

نقاط نظره کوره حق سبحانه و تعالی حضرتلری
 او غیرت اصحابنه مساعی واقعہ لرینک مکافاتنی پک
 کوزل بر صورتہ ویرمکی مراد بیورمشدر. جناب
 حق بر شیئی ارادہ بیوردیغی زمان اسبابنی دہ تہیہ
 ایدرکہ ایشته بزشو و قتدہ او تہیہ اسباب تجلیسنده
 یولنیورز .

کچن سنہ لوندرده پروتتان میسیونرلرینک
 اجتماعکاھنده او جمعیتک رؤسا سندن عالم ایساق
 تایلر بر مقالہ مؤثرہ ایراد ایلش ایدی کہ بتون
 دنیانک غزته لری حتی بزم عثمانلی غزته لرمزدخی
 بوندن اوزون اوزادی یہ بحث ایلش لری ایدی .
 زیرا فاضل مشار الیہ او مقالہ دہ جهانک هر
 طرفنه کوندریلن میسیونرلرک موفقیتی ہیچہ
 قریب بر درجہ دہ قالوب انلرہ نسبتہ هندستانده
 وافر یقاده اسلامیتک انتشاری عقالرہ حیرت
 ویرہ جک درجہ لرده چوق اولدیغنی بر طاقم
 طوغری حسابات ایستاتستیقیہ ایله اثبات ایتش
 ایدی . میسیونرلرک پاره قوتیلہ الداتہ رق
 و یا خود جبر و شدت عسکریہ ایله قورقوتہ رق
 ناسارت کی بر صورتہ کندیلرینہ تابع قیلدقلری

آدملرك مقدارلری انجق بیکرله تعداد اولنه .
 بیلدیکی حالدده مسلمان اولان هند وافر یقای
 وسطی اهاالیسنک میلیونلرله تعداد اولندقلری
 درمیان قلنش ایدی . ایساق تایلر بومقاله سنده
 میسیونرلرک علم و عرفانلرندن وکندیلرینی حایه
 ایلان جمعیات نصرانیهنک ثروت وقوتلرندن
 دخی بحث ایدرک بونلره مقابل هندستان وافر
 یقاده نشر اسلامیت ایدنلرک نه معلوماتجه نه
 ثروت وقدرتجه انلر مرتبه سنده اولمدقلرینی و هیچ
 برطرفدن حایه دخی کورمدکلرینی عرض انظار
 تدقیق ایلش وشو نسبتسزلک اوزرینه اسلامک
 موفقیاتنه کندیسی حیران قالدیغی کبی حاضرو
 و مستمعونی دخی دوچار حیرت ایتیش ایدی .

لوندرده ایساق تایلر ترقیات اسلامیه حقننده
 بوصورته بیان ملاحظه ایلدیکی صروده فرانسه ده
 اخیراً وفات ایدن عالم وغیرتکار قاردینال
 لاویژمری دخی ینه بویولده یعنی بالخاصه افریقا
 قطع مسنجه اسلامیتک انتشاری موجب وله وحیرت
 اوله جنی طرزنده نطقلر ایراد وملاحظه لر سرد
 ایدرک ار باب غیرتک غیرتلرینی دوبالا ایتکه

صرف مساعی ایلور ایدی .

ایساق تایلر ولاویژدرینک بوسوزلری وانلر .
تابع و پیرو اولان سائر ارباب غیرتکینه بو
یولده کی مقالات مشوقانه لری اساساً پک طوغری
اولوب یالکز بر جهتدن بونلرک برنقصانی وار
ایدی . اودخی مسلمانلغک هندستانده و آفریقای
وسطیده انتشارینی میسر ایلان جناب حقک
اوروپا وامریقالیرقلوبنده دخی بو حس جلیلی
اویاندریمق مقدماتنی تیه ایلکده اولسی مسئله
عظیمه سندن عبارتدر .

اوت ! اوروپا وامریقاده دخی تحری حقیقت
ازلیه وابدیه ایله اشتغال ایدر پک چوقکسه لرک
اسلام حقنده کی نظریاتی برزماندنبری بشقه لاشمغه
باشلامشدرکه لاویژدری وتایلر کی مدققلرک
بو حالی کورملری لازم کلورایدی . شمدی یه قدر
السنة غربیه ایله خامه ران تألیف وتحریر اولانلرک
عادتا کافه سی اسلامیته درلو بهتانلر وافترا لرایله
افکار عامه نی تغلیط ایتکده اولملرینه مقابل اون
اون بش سنه دن بری برطالم مدققین جدیده
اسلامیتی یکیدن تتبع وتدقیق ایدرک اودیانت محقه

عليه‌نند. سويلنان سوزلر صرف افترا اولدقلريني
 كورمشلر و انلري رد و حقيقي اظهار ايچون
 برطاقم كتابلر يازمشلردر. اك زياده اهميت
 ويريله‌جك جهتي ايسه بوتحقيقات و تدقيقات
 جديهنك اساسي ينه ممالك اسلاميه‌ده نشر نصرانيته
 مامور اولان ميسيونرلر طرفندن وضع اولمش
 بولمسيدير. بوميسيونرلر نصرانيته‌ك اسلاميته
 تفوقني اثبات ايچون اسلاميتي دخي كهاهي حقيقتها
 اوكرنمكه احتياج حس ايليه‌رك اوكرند كلري
 زمان ايسه ديانت جليله‌ مذكورنك قابل تعرض
 دكل بلكه شايسته قبول اولديغني تسليم ايتملر.
 و برچوقلري قبول دخي ايلشلدركه هندستانده
 بونلك اعدادي بردن زياده اولديغني شمدي يه قدر
 برچوق مناسبات مكرره اوزرينه غزته‌لره دخي
 يازلمشدر.

حقايق اسلاميه‌نك بوصورته ميدان المغه
 باشلامسي اوزرينه ملل مترقيه و متمدنه مياننده
 اسلاميتلريني احيقندن اچيغه ميدانه قويانلر دخي
 تاخر ايتمامشلردر. ايشته بو حال مشكورك اك
 پارلاق صورتني انكلتره‌ك اك زياده حكمت و حقيقت

مر اقلیلری مرکزی اولان لیورپول شهرنده کی انکلیز
 مسلمانلری میاننده کورلمشدر. فقط لیورپول شهری
 جای یکانه دخی دکلدر . اوراسی کی جمعیتله
 دکل ایسه ده علی الانفراد اولسون اسلامه اظهار
 میل ایدمک آلمانیا و فرانسه نك دخی بر طاقم شهر لرنده
 آره صره کورلمکده در .

چند سنه مقدم المانیاده اظهار اسلام ایدن
 بر عالم ذاته مقام جلیل مشیخت اسلامیه دن جودت
 پاشا قلیله یازلمش اولان مکتوب پک مشهور اولد
 یغندن طرفزدن اخطاره بیله لزوم اولق سزین
 قارئرلر من جانبدن تخطر اولنه حق مواد دندر . کذلک
 بلجیقانک انورس شهرنده او په نیون غزته سی
 محرری میاننده محمد مختار اسم پاکیله تسمی ایلش وبر
 جلوس همایون مناسبتیله غزته سنه عثمانلیجه اوله رق
 کوزل بر مقاله تهریکیه یازد رق بعده عثمانلی غزته
 لرینه ده نقل اولنش بر مسلمان بلجیقالی ایله بالمخابره
 معارفه من حصوله کلشدر که قوت وجدیت اسلام
 میه سی جهتیله کند یسنه « فخر الاسلام » عنوانی
 ویرمه که قدر صلاحیت ادعا سنده بولنه بیلورز .

شمدی شوراجقده مقاله مزك مباديسند نبری
 سرد ایلکده بولند یغمز ملاحظاتی خلاصه لندیره رق
 بولردن مطلب و بمن اولان نتیجه یی ده استنتاج
 ایده لم :

ممالك متريه و متمدنه ده غيرت دينيه واردر .
 بو غيرت دينيه کندی ار بابنی بر خدمت ماديه يه
 دخی تشويق و سوق ایلشدر . واقعا اوخده
 متمدن کندیلر نجه مقصود اولان موفقيتی اقتطاف
 ایده مامشدر و بو عدم موفقيتلری کندیلری دخی
 اعتراف ایلکده بولمشدر ايسه ده غيرت و تشبثات
 مذکورده دن مراد الهی اولان نتیجه دیگر کندی
 کنديسنه میدانده چيتمغه باشلامشدر که اوده
 بولرک اسلامي قبوللری ماده سیدر . ايشته
 بو حکمت خفيه و بانيه نك ظاهرده دخی تجلی آثار
 باهره سی اولق اوزره انکلتريه پيرو اوله رق
 آمر يقاده اسلاميتک انتشاری ایچون بر تشبث جدی
 بشارتیه مستبشر اولیورز .

* *

بشارت مسعوده مذکورده یی قارئلر مزه شرح
 و ایضا حدن مقدم کندیلرینه بیان اولنه جق

بر حقیقت دها وارد در که تمام صره سی کلمش ایکن
انی ده ایضاح ایتمکسزین توضیح و تشریح بشارته
مسارعت ایدء جك اولور ایسه ك مجبورى اولدیغمن
بر وظیفه شکرانی ایفاده غفلت ایتمش اولورز .
عدم ایفای شکران ایله نعمتی کفران ارسنده کی
مسافه ایسه پاك آذر . مع التشکر ایضاح
ایده جکمن حقیقت دخی شودر که :

ابوهریره رضی الله عنه حضرتلرندن روایت
اولسان و «تحقیق الله تعالی حضرتلری هر یوز
سنه باشنده بوامته بر آدم بعث ایدر که انك برکاتیله
دین تجدد و تأید ایلر» مال منیفنی حاوی و مبشر
بولنان حدیث شریف اجدی اشبو اون دردنجی
مائءنك اوائلنده بولندیغمن حالده اسلامیتك شمدی یه
قدراعصار قریبه نك هیچ بریسنده امثالی کورلماش
درجه ده تجدد و تأید مظهر اولمقده بولندیغنی
کورمکلکمن اوزرینه بالطبع وارد خاطر شکر کذا
رانه من اولمیدر .

اوت ! اشبو اون دردنجی عصر هجرت
اسلامیت ایچون عظیم بر تأید و تجدد دوری
اولدیغنی انك کوزی قپالی ارباب غفلته قدرجه یه

کو سترمکده در . زیرا بر طرفدن معارف اسلامیه
 نائل ترقی اوله رق علوم دینیه توسع و توضیح
 ایلمکده اولدیفی کبی علوم دنیویه دخی یدمهارت
 اهل اسلامه کچهرک زینت اسلامیه بی آرتدیره جق
 بر صورت حسنیه افراغ اولنمقده و « حکمت
 مسلیک غیب اوایش مالیدرانی هر زرده بولور
 ایسه آلور » حکم منیفی تمامیله میدان چیقممقده در .
 معارف دنیویه نك سائر مملکتلرده ترقیسی اساس
 معتقدات دینیه بی تخریب ایلمکده اولدیفی حالده
 بزده بالعکس حکمت اسلامیه مزه قوت و یرمکده
 اولدیفی چشم شکران ایله کوریلورکه بو حال
 معجز نما هیج بر یرده و هیج بر عصرده کورلمش
 شیلردن دکدر . ثانیاً تنسیقات عسکریه اصلاحی
 واسلحه مزك کاملاً تجدیدی و مواقع حربیه مزك
 تحکیمی کبی اصلاحات جسیه و آسایش ثمره سی
 اوله رق اسلامك ترقی شوکت و شکوهی دخی
 اشبو اون دردنجی عصر هجرتده اعصار ماضیه نك
 هیج بر یسنه مقیس اوله میه جق صورت مشکو -
 رده میدان المقده در . بوراده « ترقی شکوه
 و شوکت » جله سیله تعبیر ایلدی کمز شی سیاسیات

عالمندگی تأثیر یله پک کوزل موازنه و تیقن اولنه
 بیلورکه اوموازنه نك میزان و معیاری دخی سلطنت
 سنیه عثمانیه مزك هر دولت نزدنده « دولت معظمه »
 عنوان تعظیم کارانه سیله یاد اولنسی و انفاقتنه هر
 طرفدن عرض احتیاج ایداسیدر . اوروپا نك الك
 زیاده دقیقه سنج و خرده اندیش اولان غزته لری
 مرة بعد اخری اعتراف ایتشلر درکه اون اون
 بش سنه دنبری اوروپا ده مرتبه تحقیقه وارمش
 اولان محاربه عمومیه نك شمدی یه قدر تأخرینه
 وصلح و مسالت حاضر نك تمادیسنه برسبب وار
 ایسه اودخی انجق دولت اسلامی عثمانیه نك
 ادوار سائر یه قات قات فائق اولان قوت و قدرت
 عسکر یه سیله برابر بولتیقه سنده اولان مسالته پروری
 بیطرفانه دن عبارت برسببدر ۱۰ کر دولت معظمه
 مشارالیه ایا بوقدر قوی اولسه و یا خود قوت و قدرتی
 محافظه صلح عمومی ایچون وقایه سیاست بیطرفی یه
 صرف ایسه اوروپا مسالت عمومیه سنك شمدی یه
 قدر چوقدن مبدل جدال اوله جغنی حکم ایتدك
 غزته قالمامشدر . ثالثاً كرك طوغریدن طوغری یه
 اداره عادله عثمانیه ایله مشرف اولان و كرك

دنيانك جهات بعیده سنده بولنوب حكومات
 سائرته تابع بولان ملل و اقوام مسلميه عمومأ
 بریقظان و انتباء كلهر ك بولرك جله سی مدنیت قدیمه
 اسلامیه نك معارف و صنایع جدیده ایله دخی تزیینی
 غیرتنه دوشمشلردر كه هر طرفه پیدا اولان درلو
 درلو غزته لر و انلرك مندرجات ترقی جویانه سی
 يومسوله دقیقه عظیمه نك اك كوزل برهانیدر .
 تاتارستاندن هندستاندن تا جاویه امید برونه
 قدر ممالك بعیده دن اوقدر مطبوعات و خصوصی
 مکتوبات كللکه در كه بولرك مطالعہ سی علی
 العموم کره ارض اوزرنده اهل اسلامك بر غیرت
 جدیه ایله تجدد جهتنه میل عظیم پیدا ایلش
 اولدق لرینی اثبات ایللکه در .
 ای بو قدر تجددات و تأیدات نه ساینده
 اولدیغنی دوش و نعمیه جگمی یز؟ بونی دوش و نوب
 بولهرق و کورهر ك اندن طولایی بورجلو اولدیغمن
 تشکرات منتدارانه بی ایفایه مسارعت ایتیه جگمی یز؟
 ایدم دی بیلش اوللی یز که بو نعمت تجدد و تأید
 انجق پادشاهمزك مردمك چشم افتخار اسلامیان
 اولان شوکتلو قدرتلو افندمن حضرتلرینك من

عندالله تعالى مظهر بیورلدقلری موفقیات سبحا
 نیه نك ثمره مقدسه سیدر . اول شهریار اولوالعزم
 حضرت قلرینك تمام ایشه حدیث ابی هریره ده وعد
 و تبشیر بیوریلان صاحب عصر اولدقلرینه ذره
 قدر شبهه ایدیله مز . زیرا صاحب عصر اولق
 ایچون موجود اولان شرائط مادیه و معنویه نك
 كافه سنی جامع و حائزدرلر . ذی شوکت و صاحب
 قوت بر پادشاه عمری جاء اولدقلری حالدیه حلم
 و مرحمتلری وعدل و رأفتلری امثالسزدر . اثار
 فتوت و سماحتلری یالکز حدود ممالك اسلامیه
 داخلنده امداده یتشمدك یر بر اقامقله قالمیوب
 حدود جهانی شاملدر . داخلی بر مکتب بر مدرسه
 بر تکیه بو بر جامع قالماشدر که اثر لطف جلیل پادشاهی
 ایلله اتمام عمران ایتماش اولسون . خارجده
 هانکی اثر خیر پیدا اولور ایسه انی التزام و تأییده
 اك اول عنایت جلیله حیدیه قوشار یتشور .
 فرانسه ده بر پاستور نوع بشره نافع بر اثر کشف
 ایدر تاسیس ایلدیکی دارالتعلیم ایچون اعانه
 و عطیه حیدیه سردفتر شکرانی تزین ایلر . برلینده
 بر قوخ ینه انسانیتیه نافع بر مقدمه موفقیت کوستور

سینه افتخاری الك اول عثمانلی نشانیه تزیین اولنور .
 لوندره کبی پترسبورغ کبی دول متحابه اجنبیه
 محالکی اولان برچوق یرلرده بنای مساجد تشبثاتی
 بیله بو عصرک مشاهدات مشکوره سندندر .
 باستانبول دستگاه طبعنک کمال نفاستله تکثیر ایلد .
 یکی میلیونلرجه مصاحف شریفه نك بتون دنیا نك
 اسلاملرینی خشنود ایتسی بو عصرک جله موفقیاتندرد .
 هانکی برینی تعداد ایلیم ؟ هانکی طرفه
 یاقه جق اولسه ق هپ اوزینت افزای تحت خلا-
 فتنک صاحب عصر اولدقلرینی اثبات اید . جک بیک
 اشارت بیک برهان نمایان اولور که ایشته انلرک
 الك پارلاغی دخی آوروپا و امریکا ملل مترقیه و متمدنه
 می میانده اسلامیتک مبادی انتشاری کورلمی
 قضیه عظماسیدر .

ایمدی بو حقایق باهره اوزرینه وجوه شکر
 نمزی مالیده سجده کاه تضرع ایلیرک اویکانه
 سلاطین عدل آیینک اوشهر یار خیر اندیش و خیر
 آثارک دوام عمرواسه تقرار عهد خلافتی ایچون
 کیجه کوندوز کوز یا شریله دعا لر ایلرک ینه کندی
 سعادت و اقبالز ایچون دعا ایتش اولورز . زیرا
 وجود محض جود همایونلری انجق کندی برات

اشبو مقاله مزده شوکتپناه خلیفه فاروقجاء
 افند من حضرت تلرینک صاحب عصر بر ذات موعود
 من عند الرسول اولدقلرینی عاجزانه تصویر
 یوللو شو اون دردنجی عصر مبادیسنده کی تأیدات
 مادیه و معنویه اسلامیه دن برنبذه بحث ایلدیکمز
 حصرده اصل اثبات مدعایه برهان قوی اوله جق
 یرماده مهمه بی درمیان و اخطاری تخطر ایده .
 مامشز . حد اولسون بو خاطره عظیمه دخی
 قرن داشم محمدجودت طرفندن اخطار اولمشدر .
 بوقتیله بو اخطاره مظهر اولسه ایدم انی ده داخل
 مقاله یه ادخال ایله مکملیتنه موفق اولور ایدم .
 مع هذا اخطار واقع پک متبارک اولدیفی ایچون
 صورت استطراده ینه یازمقدن کری طوره هم :
 سر ابتهاجزک تاجی و ملت بیضاء اجدیده نک
 مابه الافتخار و الابتهاجی اولان خلیفه رسول الله
 شه نشاء فاروقجاء افند من حضرت تلرینک ثمره لطف
 و ارشاد همایونلریله شو عصرده وقوع ولان
 تجدیدات و تأیدات اسلامیه نک مثال اعظم و برهان

اگر می نیجه عصر لردنبری هیچ بر کتاب سماوی یه
منسوب هیچ بر دیانت سماویه ایله متدین اولیه رقبه
کمال ظلام کفر والحاد و تمام بغی و عناد ایچنده
یشایه کلش اولان نصیر یلر ایله یزیدیلرک دخی
هر ف ایمان ایله تشرقلری قضیه سیدر . بو آدم لری
طریق هدایتیه ارشاد ایچون عصرأ بعد عصر
ملوک و امراء دن بونجه اصحاب سیف مقاتلات شد
یده یی کوزه الدیرمش اولدقلری حالده هیچ بر
یسنک ثمره سی کور یله مامش ایکن نفوذ مرشدان
نه سی مسیوف قاطعه دن تیز اولان او شهر یار
دیانت آثار ، اول ثانی غاروق با ائتدارک مهبط
الهام ربانی و منزل توفیقات سبحانی اولان قلبه
پاک و تابناک خلافت پناهیلر ینک اثر خلوصی اولدوق
انلرده شمدی ایمان نصیب اولمدر . « اللهم قمع
ونصر قی کلدیکی زمان ناسی کور و رسک که فوج
فوج اللهم دینه کیر لر . » معنای منیفی
حاوی اولان آیت کریمه نک زمان زده ده تجلی
حکمنی ظاهرأ و باهرأ کورمک نعمتی بزم ایچون
قه بیوک نعمتلردندر !

ایشته بو برهان فعلی و مادی و حقیقی ایله مبرهن

و مستدل و محقق اولان فتح و نصرت الهیه عصر نده یز که
 بو عصرک صاحب با اقتداری و قهرمان بی اشتباهی
 دخی شوکتلو قدرتلو حضرت سلطان عبدالحمید
 خان غازی و بی مدانی اولدیغنه اشتباه ایلیک بر
 مؤمن خالصک قطعاً تجویز ایدمه یه جکی کبا ثردن
 عد اولنسه بجادر .



شکوه و شوکت اسلامیه مزی بر قندها اکمال
 ایلیه جک اولان وینه شمدی یه قدر اصلاح حالری
 ایچون بونجه تدابیر عسکریه اجرا اولمش قانلر
 دوکواش ایکن ثمره سی کور یله مادش بولسان
 اصلاح عشایر مسئله سی اولدیغی جهتله بواثر مزده
 انکده تعدادی لازم اولدیغی دخی رسومات
 مأمورینی متخیرانندن سعادتلو کامل افندی حضر -
 تلی برورقه مخصوصه ایله اخطار بیور مشلردر .
 « حمیدیه سواری الایلری » نامیه له بونلردن
 تشکیل اولنان الایلر حین حاجتده یوز بیکه قریب
 سواری بی میدان کار زاره چیقارمقی تحت تأمین
 المش و بوصورتله دولتری برنجی درجه ده

سواری دولت لر مرتبه سنك ده فوقنه چيقار مشدر .
 فقط عشايرك اصل اصلاحات ماديه لری اتمام ايدلش
 اولق ايچون زادكان مشايخي تربيه يه مخصوص
 اوله رق كشاد اولنان مكتبك اهميتي ده آرميدر ؟
 انك ثمراتي مستعمل اوليوب مستأجل ايسه ده سائر
 هر شيدن لذيد اوله جفی ده-ا شمديدن اغز مذك
 صويني آقتمقده بولنسيلاه مأمولدر .

ايشته بو حقيقت-لر اوزرينه صاحب عصر من
 شوكتلو پادشاه من سلطان غازي عبدالحميد خان ثاني
 افند من حضره لرينه بورجلوا اولديغمن منتي اعترافله
 امريقا ايچون وقوع بولان استبشار مزی ده بروجه
 آتی ایراده باشلايه لم :

* *

موسیو الکساندر روسل وهب نامنده بر
 آمریقالی دولت متبوعه می طرفندن قونسلاوسلق
 مأموریتی ایله ممالک شرقیه ده و شرقك دخی
 بالخاصه هندستان اقلیمده سیر و سیاحتیه باشلار .
 بومثلوا آمریقا قونسلاوسلرندن اکثری سنك برنوع
 هندسیونرلك مأموریتی دخی مأموریت رسمیه لرینه

منضم اولدینی معلومدر . موسیو وهب کرک صفت
 ماموریتی اقتضاسنجه و کرک کندی هوسی الجاسیله
 احکام جلیله اسلامیتی تدقیق و تتبعه باشلاره
 مقدماتنده ایلر ولد کجه مسلمانلغه محبتی آرتوب نهایت
 اسلامیتی قبول دخی ایلر .

شو و مقدماتدن بدأ ایله موسیو وهب حقنده
 قارئلرینه معلومات ویرمهک باشلایان « سون »
 نام امریقا غزته سنک روایتنه کوره موسیو
 الکساندر روسل وهب هنوز اوروپالی قیافتنی
 تبدیل ایتدیکی و چتال و بچاق ایله یکه یکه ده
 یراقدینی حالدده اسمنک اولنه برده محمد « اسم
 اسلامنی علاوه ایدرک یالکز لحم خنزیر اکلندن
 و مسکرات استعمالندن توبه و استغفار صورتند
 اظهار اسلام ایدرکه سون غزته می دهادیزچو کوب
 اوطور مغه الشه مامش اولان مومی الیه محمد الکبا
 تدر روسل وهب افندینک شو مبادی اسلامی
 یکه ده تمام مسلمانلقدردیه قبول و حکم ایده میور
 ایه ده مهتدی مومی الیهک مسلمانلغی آمریقایه دخی
 ادخال ایچون بر قاق نسخه سنده بر طاقم تشبثاتی
 یازیورکه بونلری اوقویان و هله اوروپالی قیافتند

بولنقى و ديزچوكمكه هنوز الله ماق و چتال بچاق
 ايله طعام ايتك اسلاميتى مانع اولدميه جفنى بيان
 برآدم ايچون مومى اليهك تشبثانده كى جديته
 حيران اولماق قابل اولدميور .

مهتدى محمد الكساندر و دب افندى هنوز
 آمرىقايه كلش دكلدر ، امرىقايه و صولى منتظر دره
 شمديكى حالده هندستانك بيوك شهر لر نده طولاشوب
 اسلاميتى آمرىقاده نشر ايچون لازم كان تشبثات
 اوزرينه قونفرانسلى ياپيور نطقلر ايراد ايدى يورك
 سون غزته سى بولنلى دائر ده شمد بدن آمرىقالى
 قارنلرينه معلومات و ير مكد بولنديغندى آمرىقالىلر
 شيقاغوسر كيسانده همه حال برجامع شريف بنا
 اولنهرق و دروننده برخىلى جماعت مسلميه پيدا
 ايدرك مناره دن اذان محديتك تشذيف اذان ايله
 جكنه همان شمد بدن شبه ايدميور لر .

بادى امرده حقيقة انسانى دوچار اوله ايلان
 شو تشبث مهم حقننده سون غزته سنك بعض
 مندرجاتنى قارنلر مزه ارايه ايدم جكن .

سون غزته سی مهتدی محمد الکساندر روسل
 و دب افندی حقنده شمیدی به قدر قارٹرلرینه
 و یرمش اولدیفی معلوماته ضمیمه کچن کانون ثانی
 ایچنده نشر اولنان نسخهلرینک بریسنده بومبایدن
 المش اولدیفی بر مکتوبی نشر الشدرکه بومکتوب
 مهتدی مومی الیهک بر طاقم نطقلریله مطالعات
 و تصوراتنی مبین اوله رق خلاصه ترجمه سی بروجه
 آتیدر :

« کندیسى هندستانده دین اسلامى قبول
 ايله » محمد « نامنى المش اولان موسیوالکساندر
 روسل و دب دین مذکورى تلقین و نشر ایچون
 نیورقه متی عزیمتدر . مومی الیهک کرک
 عقاید دینیه و کرک افعال دنیویه جه مسلمانلغک
 خرسیتیانلغه رجحاننى لاجل الاثبات سرد و بیان
 ایلدیکی دلائل ايله بومبای وحیدر آبادده عقد
 ایلدیکی قونفرانسر حقنده معلومات آتیه اخذ
 اولنیور :

« مهتدی مومی الیه بومبای قونفرانسده
 دیشدرکه :

« — خرسیتیان مملکتده طوغمش بر آمریقالى.

اولدیغم و پروتستان کلیسا-اسنک دهن و لعابیه
 بسنلنمش بولندیغم حالده نه سببه مبنی دین اسلامی
 قبول ایتدیگمی سؤال ایلرورلر . بوسؤاله برصورت
 راستکویانه ده شو جوابی ویریرم که : اسلامیتی
 قبول ایدیشم تدقیقات عمیقهم نتیجه سی اوله رق
 فکر بشرک احتیاجاتی ایچون ائک زیاده شایان قبول
 مذهب یکانه اسلامیتدن عبارت اولدیغنی اکلادیغم
 ایچوندر . اسلامیتی قبولم اوילה ناکه ظهور برهیجان
 درون ایله دکلدر . حقایقه کسب و قوف ارزوسیه
 جدأ اجرا ایلدیکم تدقیقات و تبعات نتیجه سی
 اوله رق بودیانت حقیقیه یی قبول ایلدم . بکا
 « مسلمانلر نه لره اعتقاد ایدر ایدرلر ؟ » دیه بر
 سؤال ایراد اولنسه بوسؤالی بعینه « خرستیانلر
 نه لره اعتقاد ایدرلر ؟ » سؤالی کبی تلقی ایلرم .
 یواقعا قسطنطین زمانندن بوزمانه قدر هر عصرک
 خرستیانلری کندی افکار ذاتیه لرینه تبعیتله مذ-
 هبلرینی برطاقم بدعتلر ایله توسیع و تزین ایلش
 اولدقلری کبی دین مبین اسلامک اربابی دخی
 بویله بریوله سالک اولمش بولندقلرندن طرف اقدس
 حضرت پیغمبریدن ایلك تعلیم بی-ولمش اولان

اسلاميته عصرأ بعد عصر برطاقم نتائج اجتهادات
دها ضم اولنه رق او شهر اه حقيقت توسع ايش
ايسه ده ايشك اصلى تدقيق وتبع ايديله جك اولور
ايسه كوريلور كه حضرت فخر كائنات عليه
افضل التحيات والتسليات افندمن ديانت اسلاميه ي
يكى برشى احداث ايدرجه سنه وضع وتأسيس
بيورمش اوليوب ابتدائى خلقتد نهرى انسانلره
مكشوف بولنان و دنيا طور دجه بالطبع مكشوف
ودائم اوله جنى دركار بولنان حقيقت ازليه توحيدى
احياء وتأيدده صرف مساعى بيوره شلردر . حتى
شوراسنى ده سزه تأمين ايلرم كه پيغمبر عليه الصلات
والسلام افندمن حضرتلى دين عيسوينك اساس
احكام وقواعد حقيقه سنه ده مفاير اوله جق
هيج برشى تعليم بيورمدى . بالعكس اسلاميت ايله
دين عيسوينك قواعد اساسيه سى دقت ايله مقايسه
ايديلور ايسه كوريلور كه بينلرنده اساساً يعنى
مقصد توحيدجه مشابته ومطابقت موجوددر .
حتى حضرت رسول افندمن حضرت عيسى افندمى
« حضرت مريمك مظهر الهام ربانى اولان فرزندانى
وطرف حقدن بنى اسرائيله مبعوث رسول محترم

ديه ياد بيوررلر وحق-لرنده هر صورتله حرمت
 و محبت اظهار ايدرلر . لكن صكره لری بيك
 بدعتك ادخاليله ارتق خرستيانلق نامنى المسى
 يا كلش كورلك لازم كلن مذهبك احكام غير
 محققه سنى شديدأ رد و جرح ايدرلر . بر خرستيانه
 اسلاميتدن بحث ايلديكم زمان در حال بودينه-ك
 مدنيتنه منافی اولديغنى و تعدد زوجانه مساع كوستر-
 ديكنى و دين مذكورى نشر ايچون صورت مد هشه ده
 قانلر دو كولد يكنى و اكا منسوب اولانلرك على
 العموم متعصب بولند قلرينى درميان ايدر . حتى
 آمر يقاده جاهل خرستيانلر على العموم شوطن
 و اعتقادده بولنورلر و انكلا تيره دخی بك چوق كمسه نر
 اوطن و اعتقادده اشتراك ايدرلر كه كويا هر مسلمان
 بر چوق قادينلر ايله مملو بر حرم دائره سنه مالك
 اولوب زمان زمان تلف ايدء جك بر قاچ خرستيان
 بولق ايچون شمشير بدست اوله رق س- و قاقلرى
 طولاشمد قلرى حالده دخی وقتلرينك قسم اعظمنى
 حرم دائره سنده كچوررلر ايمش . اولد قجه ذكى
 بر خرستيان بركون بكا ديدى كه : بر مسلمان مدت
 عمرنده لا اقل بر خرستيانى اتلاف و اكل ايتزايسه

جنات عالیاتده نائل مقام اولدمیه جنی اعتقادنده
 بونور ایش « برکون دخی راتفون اهاالیسندن
 برآدم بکا : » ترقیات حاضره مدینه نك خرسیانلق
 سایه سنده حاصل اولدیغنی انکار ایدمه منسکزییا ؟ «
 دیمشیدی . بن دخی بوکا جواباً دیمش ایدم که :
 « بالعکس انکار ایدرم . انجیل شریف ایله
 « سرمونده لامونتانی » نام کتابك احکام وقوا-
 عدینی مدنیت خرسیانیه دیدیککز شی ایله تطبیق
 ایلکیز . اومدنیت ایله اواحتکامك توفیق ممکن
 اولدیغنی کوررسکز » حقیقت حال شوندن عبارتدوکه
 مدنیت خرسیانیه دینلن شمديکی نتیجه ترقیات
 خرسیانلرك باشلاقلری برشی اولیوب بالعکس
 دها سکزنجی عصرده خرسیانلق عالمی هنوز
 ظلام جهالت ووحشت ایچنده ایکن اسپانیاده کی
 مسلمانلر بوشمديکی مدنیتك اساسنی قورمشلردر .
 هانکی خرسیان ایله سوزه کیر یشه جك اولسه
 هرشیدن اول بکا تعدد زوجاتی تصویب ایدیور
 میسکز ؟ سؤالی ایراد ایلور . بنده بونلره
 جواباً دیورم که : « اوت ! بعض شرائط ایله
 تصویب ایدرم » کچن هفته اصحاب معلوماتدن

بر مسلمان بکا دیدی که : « سزك تعدد زوجاتی .
تقدیر ایدمیه جککزہ . شبه اولم دیفندن بو عادتک
امر یقایہ ادخالنی التزام ایدمیه جکسکز » موی .
الیہہ جواباً دیدم کہ : « تعدد زوجاتی تقدیر
وبحق تصویب ایلد کدن فضلہ آمریقا اہالیسی
عادت مذکورہ نک محسناتی اکلا یہ جق قدر تہذیب
اخلاق ایدر ایتز عادت مذکورہ نک ہیئت
اجتماعیہ مزجہ قبولی ترویجہ دخی چالشہ جغم .
اما عادت مذکورہ یہ شرائط شرعیہ سنجہ لایقیلہ
رعایت اساسیلہ : « اوت ! بومطالعہم دخی
جدیدر . زیرا ممالک غریبہ دہ تعدد زوجات
افساد اخلاقی موجب وعادتہا جنایت نوعندن بر
شیدر دیہ تلقی اولنقدہ در . معافیہ شوراسنی دہ
اعتراف ایدر مکہ امریقا اصول اجتماعیہ سنجہ تعدد
زوجاتک بردنبہ قبولی پک دہ مضر اولور .
فقط قانون مذکورک اساساً مستند بولندیفی مقصد
لایقیلہ اکلا شلد کدن صکرہ و با خصوص اسلا -
میٹک افکار منورہ اصحابی اوزرینہ ہمہ حال اجرا
ایلیہ جکی تأثیرات معنویہ حسنہ میدان حصولہ
چیقدنی زمان تعدد زوجاتک دہ قبولی عقول سلیمہ یہ .

ملایم کله جکدر. زیرا حقوق زوجیه به عدم رعایتله
 فحش ورذائلک مباح درجه سنده ارتکابی مصیبت.
 عظماسنک اورته دن قالدیراسنه واسطه حسنه یکانه
 اشبو تعدد زوجاتدر. طائفه نسوانی طبیعتک کندیلرینه
 بخش و تعیین ایلدیکی موقع عالی شر فحشایه اصعداد
 ایده بیله جکشی دخی بوقانوندر. دین اسلام تعدد
 زوجاته مساعدده ایلور ايسه ده بونی هیچ بر زمان
 لوازم دینه دن برشی کوسترمیور. بر مسلمان احوال
 بیتیه سنجه مجبوریست صحیحه کورمدکجه بردن زیاده زوجه
 المیور. واقعاتدرت زوجه بیله اله بیلور ايسه ده دردی
 المیوبده یالکز بر زوجه ایله اکتفا و قناعت ایلدیکی
 صورتده حقوق دینه و یا امتیازات رجولیه سندن
 برشی غائب ایتش اولمیور. اوروپا و یا خود امریقا
 شهر لرندن بریسنه کیدکز جرائم و جنایات جمعیت
 بشریه بی سیلاب بلا کبی استیلا ایتشد. بر رسم
 قبوله بر ضیافته کیدکز جناب حقک اثار قدر
 تندن اولان اصیل و مخدیره بر قادینک نصل
 بکنیمه جک بر حال و موقعه دوشورنش اولدیغنی
 کور رسکز. خرسیتیانلرک محترم زوجه و عقیفه
 کریمه لرینه دقت ایدکز یالکز کنسدی خانه لری.

دروننده نظر صفوت و عفت-ایه بائلی لازم کلن
 لطافت حسن و آنلری مسکراتک تاثیریه سرمست
 اولمش بر طاقم کسانک انظار شهوت پرستانه لرینه آماج
 و هدف اولدقلرینی کور رسکز . بو حالده قوانین
 و عادات خرسستیانیه نك موافق عقل و حکمت
 اولدیغنی عجباً تصدیق ایدم-یلور میسکز ؟
 بوفن-القلری منع ایچون قوانین و عادات
 اسلامییه قبولدن بشقه چاره یوقدر . قواعد خر-
 ستیانیه قرون عدیده دنبری تجربه اولندیغنی حالده
 پرفائده حاصل اولدیغندن بعد ما قواعد اسلامییه
 تجربه ایلیکز . اسلامیتک قلیچ ایله نشر ایدلدیکی
 بحثنه کلنجه هرایکی دین ایچون دوکیلن قان مقایسه
 ایدلدیکی حالده دین مبین اسلامی نشر ایچون دوکیلن
 قان اسلامیت ایچون موجب دین اوله من . هرایکی
 دین ایچون قان دوکولمش ایسه ده مسلمانلری سفک
 دمادن و حرکات و حشیانه اجرا سندن طولای
 خرسستیانلر قدر تقبیحه محل اولدیغنی جزم و اعتقا-
 دندیم . رسول الله حضرتلری اسلامیتک قلیچ
 ایله انتشارینی هیچ بروقت تجویز ایتماش
 و استعمال جبر و شدتی و فعل قتلی شدیداً

تقیج بیور مشلردر . اهل اسلامك مساعدات
 مذهبيه اعطاسنه اصلا میال اولدقلری ادعا اولنیور .
 اوچیوز سنه دنبری اسپانیانك زیر تصرفنده بولنان
 ویدی میلیون نفوسی حاوی اولان فیلیپین اطه لرینه
 کیدوب اورالرد قاتولیک مذهبندن بشقه بر
 مذهب نشرینه چالشکن . نه حاله دوچار اولمه
 جفکزی کور رسکن . حالبوکه خرستیان میسیونره
 لرینك دخوانه ممانعت و بونلردن دریغ حایه ایدمه
 جك هیچ بر اسلام مملکتی کوره مزسکن . شمیدییه
 قدر فیلیپین اطه لرینك مرکزی اولان موویله
 کیدن انجیل جمعیتلری مأمورلری شهر مذ کوره
 مواصلتلرینی متعاقب برطاقی وفات ایتش
 و دیگرلری ایسه او درجه لرده سرعتله دوچار
 ضعف اولمشلردر که بو حال مرقومك بر قاتولیک
 پاپاسنك تشویقی و تحریکیله تسیم ایدلمش
 اولدقلری ظننه محل و یرمشدر . دیگر بریسی
 ایسه حکومتك مذهب رسمیسنه مخالف بر مذهب
 تعلیمه چاشمق تمهیله اتهام اولنه رق محبسه القا
 اولمشدر . براز صکره آیینلرینی اجرایه مساعده
 اولنه جفی ضمیمه چینده کائن پوشوو مملکتندن کلن

بودیست راهبیری بالتوقیف مالیری غصب و مصادره
ایدلش و کندیلیری چینه اعاده اولمشدر .

مهدی محمد و دب افندیك ملاحظه لرینه و نطق لرینه
دائر یوقار و کی فقره ده یازدیغمز شیلر سون نام آمریقا
عزته سنك مندر جاتندن بعضلریدر . لکن مقدمه
کلاممزدده دخی دنیلدیکی وجهله بومسئله یی
شمونات عادیه دن کبی یازی ویرمکده هیچ ذوق
اولدیغندن مسئله نك پیشگاه انظار قارئنده توضحه
یاردیم ایلیه جك نقطه لر بسط ایدلملیدر که بزجه
ملترم اولان منافع دخی حاصل اولسون .

ملاحظات مذ کوره اساساً بر قایچ صنفه منقسمدر .
برنجیسی دیانت نصرانیه نك حوایج مدنیة بشریه ایله
توفیق قبول ایده میه جك بر دین اولسنه دائر اولان
سوزلردر که محمد و دب افندیك بوکا دائر ایراد
ایلدیکی خصوصات دوهیه نسبت قولاق و بیکه نسبت
بر مرتبه سنده بیله قالمز . بویولده کی ملاحظه لر عالم
مدنیته ک مجهولی دکلدر . زیر امالاک متمدنه و مترقیه ده
نصرانیته دشمن اولانلر بوبابده جلدلر طولومی
شیلر یازهرق از جمله فرانسه لی له ئوتا قسیل « بیللیو تقو

آنتی قله ريقال » يعنى « پاپاسلر خلافنده كتبخانه »
 عنوانيله بويولده كي كتابلردن قوجه بر كتبخانه وجوده
 كتور مشدر المان وانكليزلسا نلرنجه دخي بويولده آثار
 نوادر دن دكلدر . ديمك اوليور كه نطقلرينك
 وملاحظه لر ينك بو قسمنده محمد وهب افندى خلقه
 بيلديكى شيلرى يكي دن اوكرتمش اوليوب غايى
 معلوملرى اخطار دن عبارت بر خدمته بولتمش
 اوليور . صنوف ملاحظات دن ايكنجيسى ايسه اسلا-
 ميته فضائلنه دائر اولان سوزلردر . بومقايسه
 عالم مدنيتك اليوم بالكلية مجهولى دكل ايسه ده
 يحق معلومى ده دكلدر . بالكلية مجهولى دكلدر :
 زيرا اولجه دخي خبر و يرلديكى وجهله برچوق
 ارباب تتبع وتدقيق اسلاميت حقنده اجرا ايلدكلرى
 تحقيقات نتيجه سنده بوديانت جليله يي مفتريلرك
 افترا لرينه موافق بوله ميه رق مقتدر اوله بيلدكلرى
 قدر معلومات مستحصه لر يني نشر دخي ايتملردر .
 انجق حقائق واسعه اسلاميه قياساً بونلرك تحقيقاتى
 هنوز مرتبه لازمه سنى بوله مامش اولديغى ايشته
 از جمله مهتدى محمد وهب افنديك بياناتى مياننده كي
 بعضى غرا بدين دخي مستبان اولمقده در . بحث

دو نوب طولاشوب بر ختان ایله برده طلاق و تعدد
 زوجاتدن خارجه حقیقه مامقده در . حقایق
 اسلامییه ایسه بونلردن عبارتیمدر ؟ قلبی وجدانی
 قطمین ایدہ جک حقایق اساسیہ اسلامیہ یه نسبتله
 بونلر تفرعاتک ده اک عادیلرندن قالدیغنی حقایق
 مذکوریه واقف اولان بر فاضل حکمده اصلا تردد
 ایلز . مثلاً مخلوق اولان بر آدم ایله انک خالق
 اره سنده کی مناسب کی اساسله کیریشیلور ایسه
 کوریلور که ادیان سائرده خالق ایله مخلوق
 اره سنه بر واسطه فعاله و مختاره صوقولش اولسی
 بر یاندن خالق قدرت و مختاریت طبیعیه و غیر
 مسئوله سنه مخالف و دیگر طرفدن مخلوق حریت
 طبیعیه و مسئوله سنه مغایردر . نه قولک بحق
 قوللق ونه خالقک بحق خالقک ایدہ مامنی مستوجب
 اولان بو وساطت فضولیه یه « دین » نامنی ویرم
 ییلک عقلا دخی بعید کوریلور . بوجهتک شو
 فقصانی ایچون دخی دنیلور که : شمدیلاک هنوز
 مقدماتنده بولنان بوتدقیقات ایلرویه کوتورلدکجه
 اویولده کی حقایق دقیقه اساسیه یه دخی وقوف
 حاصل اولدرق مطلوب تتم و تکمل ایدر . مع هذا

ملل مترقیه و متمدنه مدقیقلرینک بویولده کی
تحقیقاتنی تهوین و تهیل قضیه سی اهل اسلامک دخی
وظائفی میاننه داخل اوله جغی لزومنی انکاره مجال یوقدره
مهتدی فاضلک ملاحظاتنک اوچنجی صنفی اسلامیتک
قلیح قوتیله تأسس ایلدیکی و مسلمانلرک علی العموم
باربار اولدقلری و عمر لرنده بر کره اولسون بر
خرستیانی قتل و لحنی اکل ایتمدکجه جنته کیره میه جکی
حقنله کی ظنلرکی تاریخه و جغرافیایه عائد شیلردر
مسئله نک بوجهتندنه محدودب افندینک نه حیستکاران
اهل اسلامک هیچ براندیشه سی اوله من . زیرا
تاریخ و جغرافیایه عائد اولان بومسئله بی حل
خصوصنده اختیاج کور یان همت یالکزا اسلامیت
دوستلرینک همتی ده اولوب قاله من . موجود
اولان علم تاریخک تصحیح و اکمالنه دینلی دینسز
کافه ار باب علوم همت ایتمکده درلر . بابل و آثور
ومصر و فرس قدیم تاریخلری کی مأخذی غائب
اولش تاریخلر بیله کشفیات آرکشولور یقیه دن
استدلال درجه سنده کی کفترلله تصحیح و اکمال
اولدقلری حالده تاریخ اسلام کی مکملامقید اولان
بر تاریخمی تصحیح اولنه میه جق؟ تاریخ اسلام تصحیح

اولنديڻي زمان بتون جهان کوروب اکلایه جقدرکه
اگر اسلاميتک نصرانيٽي محو ايتسي مطلوب
اولسه ایدی اسلامک داخل اولديڻي یرلرده برنفر بياہ
خرستيان قلامسي لازم کلور ایدی . ممالک
مذکورده اديان سائرہ سماويہنک زمانمزه قدر
بقاسی ايسه انجق سایہ لطف وحايہ شرع اجدیده
ميسر اولشدر .

شوايضاحات احقرانه مزدن محمد وهب افندينک
ملاحظاتندہ کی اصابت وقوت انظار قارئندہ
تعين ايدنجه مومی اليک اسلاميتی آمریقاده نشر
خصوصندہ کی اميدلرينک قوتی دخی پک قولای
نظرلرمزده تعين ايدر . زیرا کور بلورکه ممالک
متمدنہ نصرانيٽک موجب اطمینان اوله مديڻي
واسلاميتک کندی عليهنده ايدیلان افترالردن
مصونيتی مسئلہ لوی مقدمه تعين ايلش اولديغندن
بوحوالده محمد وهب افندي کی بعض حيتکاران
کنديلرینه احتیاجات مدنيہ به متناسب برقانون
مبيني تکليف ايلدکلری زمان حسن تلمیده دوچار
معانده اوليه جقدردر .

ينه بومسئله به تعلقی اولان فقراتدن اولق اوزره
شونی ده حکايه ایدهلم که :

اورو پاچه نصرانیتک کیتد کجه انظار اعتباردن
سقوطی اوزرینه غیرت نصرانیه صاحبی بر اورو پالی
ایله وقوع بولان محاوره مزده مومی الیه :

— اورو پا هیئت اجتماعیه سنک اخلاقنده
اطوارنده کوریلن بوزوقلغی نصرانیتیه اسناد ایتک
نه قدر حقسزدر ! بونلره سرخوشلغی ققاری
فحشی و سائر دینی توصیه ایدن نصرانیتیدر ؟ انجیل
شریفی اوقویکنز اورو پانک شمدیکی مدنیتی ایله
احکام اناجیل ارسنده بر مناسبت بوله بیلور میسکن ؟
دیمش ایدی . واقعا سوزک بودرجه می پک
طوغریدر . لیکن اناجیل موجوده بر هیئت
اجتماعیه نک نه کی قانونلره تابع اولملری لازم کله چکی
حقمنده هیچ احکام یوقدر . احکام مذکوریه
بر شریعت الهیه دن آلیه و بده کندی عتبارندن
اویدورمش اولان قومک حالی دخی بوندن بشقه
اوله بیلور می ؟ بونقصانی احکام دخی ایشته مدنیت
حاضر نک معنویاتی بوزولمق امرنده ارائه تأثیر
ایتمشدر . بونی مناظر منک نظر انصافنه عرض
ایدنجه :

— واقعا نصرانیت یالکنز اخوت و شفقت

وسائر محال کرده اولدیفنی کبی آمریقاده دخی قویاً
 حس ایدیله جکدر . بزاسلامیتی اهالی به ممکن مرتبه
 ساده و اصول منظره به موافق صورتده ارائه ایله
 حصول موفقیتی لطف الهیدن تمی ایلرز . طلاق
 و تعدد زوجاته متعلق احکام شرعیه نك شرقده نصل
 تطبیق و اجرا اولنـدیغنی پك ایی بیلیورم . اکر
 احکام مذ کوره به تمامیله توفیق حرکت اولنمور
 ایسه طلاق و تعدد زوجاتدن نتایج حسنه حصولی
 مامول اوله مز . فقط ظنمه کوره آمریقاده طلاق
 و تعدد زوجاتی هیئت اجتماعیه مزجه صورت معقوله
 و مدبرانه ده اتخاذ و قبول ایدر ایسه نك بونلر اهالیزك
 دوچار اولدقلری فنالقلری منعه یکانه برچاره در .
 حقوق زوجیه به عدم رعایت سرخوشلق و بوکامائل
 سوء احوال امریقایی برباشدن برباشه احاطه ایتشد در .
 قوانین خرسیتانیه یوزسنه بیوده یه بومساوی بی محو
 ایچون اوغراشمش و بونلری تزیددن بشقه بر نتیجه
 حاصل اولمامشدر . بناء علیه اسلامیت ایله قوانین
 اسلامیه نك هیئت اجتماعیه مزی بوقبایع و مساویدن
 تخلیص ایدء جکنی قویاً ظن ایدرم . قطعياً امید
 وارم که بش سنه طرفنده آمریقاده شمعدی به قدر

دنیا ده مثلی نامسبق صورت ده سلیم القلب و درجه
مفرطه ده غیرت دینیه مالک مسلمانردن متشکل بر
هیئت قویه وجوده کله رک براخوت اسلافیه عالمی
مشاهده ایده جکز . آمریقاده دین مبین اسلامک
احکام وقواعد حقیقیه سنی ایضاح و مسلمانره بوبابده
معلومات عمومیه اعطا ایچون مکمل اسبوعی بر غزته
ایله عمومه آچیق برکتبخانه و مطالعه صالونی و کتب
و اوراق لازمه نک طبعنه مخصوص بر مطبعه و هفتده
برایکی ویاده زیاده قونفر انسلر عقد یچون بر اجتماع
صالونی تاسیس و تشکیل ایتمک فکرنده یز . بر زمان
اسلامیتک شان و عظمتی شهر تکیه آفاق اولش ایدی .
او وقت عالم اسلامیت بدایع آثار عالییه نک مهد ظهوری
و علوم و صنایعک مرکزی ایدی . اسلامیت انسا
نلری احاطه ایدن ظلام سحاب جهالتی دفع و رفع
ایله کندیلرینی شهره مدنیته سوق ایتدی . عجبا
تاریخ بزه بویله برحالی تکرار کوستره حکمیدر ؟
بوراسنی لطف حقدن امید ایلمکده ایم .

* *

اشبو حیدر آباد نطقی بومبای نطقی قدر بیوک
دکل ایسه ده جالب نظر دقت و اهمیت اولان نقطه لری
اولکیدن ده زیاده در .

اولا محمد و هب افندی تشبثاتند و موفقیتی حقدن
 تمنی ایلوورکه اک بیوک جای امید بورا سیدر • زیرا
 بو خصوصده یالکنز اقتدار مادیدن امیدوار اولق
 لازم کلسه ایدی میسیونر لک تشبثاتی نتیجه مکمله
 انتاج ایتلی ایدی حالبوکه آفریقہ و هندستانده
 انتشار اسلام خصوصندہ اصلا صنع بشر یوقدر دینلسه
 بحدار •

دین اسلامک آمریقہ اده انتہا رینہ امریکا
 اہالیسنک ترقیلری مانع کورلمسی پک تحفدر •
 طریق ترقی و تمدندہ یول المش و فکر و نظر لری
 آچیش اولان خلقک قبول ایدہ میہ جک لری و حتی
 ایدہ مد کلری دین بزم دین اسلام دکل بلکه خر •
 ستیانلقدر • ایشته فعلا و مادہ کوریلوورکه اوروپا
 و امریقہ اده علوم ریاضیہ و طبیعیہ و عقلیہ ایلہ تنویر
 فکر و نظر ایدن لر نصرانیتی قبول ایدہ میوب بونلرک
 ہربری بردر لومسلاک سقیم و یامستقیم حکمتہ سالک
 اولیور لرو خرستیان عنوانی المنی کندیلر نجہ موجب
 عار بولیور لرو برطاقم جاغل و ظنون باطلہ یہ معتقد
 ادملرک ایشارینہ کلہ بیلہ جک دین دخی نصرانیتدن
 بشقہ نہ اولہ بیلورکه نان مقدسک عیناً اجزای

الوهیتدن بر جزوی می اولدیفی یوقسه اکاصور سائر
 ایله می متعلق بولندیفی طرزنده هیچ بر عقل سلیمک
 قبول ایدمه جکی حتی اکلایه میه جفی خصوص صاتده
 « بونلری ا کلامق مطلوب دکل همان ایمان ایتک
 هم ده علی العمیا ایمان ایتک مطلوبدر » سوزینی
 کنیسیای نصرانی رسماً سویلر و کتابلرینه دخی یازار.
 اسلامیت ایسه بالعکس علما و حکما و ظرفادیندر .
 ظنون باطله یی و ظنون مذکور دنك عادتا بر علم قدیم
 صورتنده تعینی دیمک اولان سحر و سائرده یی انجق
 قرآن ابطال و الغالبشدر . مسائل بدیهیه تاریخیه دندر که
 اوروپاده قادیندن ارککدن پک چوق کسه لر سحر
 باز دیه اتشله یا قلمش و سائر کونه عقوبتلر ایله اعدام
 اولمشدر . سحر دن بیوک ظن باطل اولماق لازم
 کلدیکنه کوره کلیسانک بو سحر باز لری اعدام ایتسی
 ایشته او ظنلره کنیدیسی دخی وجود ویرمکدن نشأت
 ایتش اولزمی ؟ اما پس پایکان اها لیده بعض مرتبه
 قوجه قاری اعتقادی نوعندن براز او هام وار
 ایمش . بونلرک منشی تحری اولنور ایسه پک
 قولای کوریلور که انلرینه نصرانیتدن یو دیتدن
 انتقال ایلش لردر . زیرا بونلری نصاراده

مع زیاده موجود بولورسکز که انلرده وجود لری
مسلمانلردن اقدم اولدیغی ده بدییاتدندر .

اسلامده بونجه حکما کلدیکی حالدده هیچ بریسی
اوروپا فلاسفه سنک یاپدقلری کبی اسلامیتی رد و انکار
ایتامشلردر . ابن الرشید لر ابن سینا لر عبدالقادر
کیلانیلر جلال الدین رومیلر محی الدین ابن عربیلر
وامثالی علما و حکما و سائر یوزلرجه کبار اولیاء
« ورثه انبیاء » عنوان شریفنه علم و عرفانلرینک
و فرقی و فضل و حکمتلرینک کثرتی ایله بلا اشتباه
لایق و احرا اولوب بونلرک هیچ بریسنده ظنون
باطله دن اثر کورلیوب دائماعکسنی ترویج ایتشلردز .
بزده دین علیه قیامی کوریلن ادملر یالکز باطنیه
اسماعیلیه کیلردر که بونلرک علی العاده اشقیاء
مقوله سندن اولوب عباد الله اوزرینه تسلطدن
ومالترینی و عرضلرینی کندیلرینه مباح ایتکدن
بشقه هیچ بر فکر و اندیشه لری اولماشدر . الیوم
اوروپا جه بونلرک امثالی نهیلیست و انارشیت دینلن
حریفلر اولوب انلرک خرسیتیانلغه و یا خود علی اطلاق
دینه تعلقلری و اصل مقصد و امملری نه دن عبارت
ایسه بزده کیلردخی عینیه او یله ایدیلر .

بوحقیقتلر وحقایق کثیره سائره نظر تأمله
 النورلر ایسه محمد ودهب افندینک آمریقایلردهکی
 فکر ترقی و تیقظدن امیدوار بولنسندهکی اصابت
 حقیقه تسلیم اولنور . آمریقایلرک نماز قیلوب
 اوروج طوته جکلرینی و سائر احکام اسلامییه
 اجرا ایلیمه جکلرینی نه دن مأمول ایتیم لم ؟ بونک
 ایچون نه مانع واردرکه مأمول ایتیمه بیلیم لم ؟ مشاغل
 مدنییه می ؟ وای ام اسلامییه ده مشاغل مدنییه
 یوقی ایدی ؟ بونجه محاربات عظیمیه یی بوقدر
 مراسلات تجارییه یی تعداد صیغمن اختراعات
 صناعیه و کشفیات علمییه یی تاریخلرینه قید ایتدیرمش
 اولان ام اسلامییه فرائض شرعییه یی اجرایه مانع
 کورمشلرمی ؟ حالبوکه شرع احدیده بوبابده
 تسهیلات دخی واردرکه تبعات و تحقیقات ایلرو-
 له دجه انلر دخی میدانیه چیقاریلهرق محمد ودهب
 افندی کبیلرک امیدلری برقاتدها قوت بوله جقدره .
 آمریقایلرک یی ملل متمدنه ناک بش وقت نماز
 قیلوب اوروج طوته بیلیمه جکلرینی امید ایتیلر
 مطلقا بونلرک حسب المدنییه چوق چالشمغه مجبور
 اولدقلرینی نظر حکمته المشلردرده انک ایچون

بو حکمی ویرمشلردر . حالبوکه حکمت اسلامیه
 انوار عادیه و طبیعیه کی برنوردرد . اندن اوزاچه
 بولنانلر پارلاقلی حسبیلله ینه انی کوردرلر ایسه ده
 اومشکات انوار الهیه نک تنویریلله کند ی اطرافلرینی
 کوره مزلر . مشکاته یاقلاشدقه بوده میسر اولور .
 بوتشیلجه اورو پالیر و آمر یقالیر کی اسلامیتی
 اوزاقدن اوزاغه هنوز یکی مشاهده ایدنلر
 اوضیایه برازدها تقرب ایلدجه اطرافلرینی ده
 کوردرک برطاقم حقایق وله بخشایه واصل اوله .
 جقلردر که حقایق مذکورده نک بریسی ده « ثروت
 و سعادت چوق چالشمقله دکل عنایت حقه نائلیتله
 حاصل اولور » دستوریدر . بوکی حقیقتلری
 حقایق اشیا دخی کندیلرینه عیاناً اثبات اید جکلردر .
 کوره جکلردر که ایشته عالم ترقی و تمدنده عموم
 انسانلرک قوللرینک قوتنی چالشمغه حصر ایلدکن
 فضله قول قوتنه حیوانات قوتلرینی بخار قوتنی
 دخی ضم ایتش و بیک آدمک برییلده کوره میه جکی
 ایشی ما کنه لرینه برکونده کوردیرمک یولنی بولمش
 اولدقلری حالده دخی مملکتلرنده فقر و ضرورت
 جله بی حیرتده براقه جق درجه لره وارمشدر .

يك چوق آدملىر آچلقدن هلاك اوليورلر . اسلاميت
 دائرہ سنده ايسه هيچده حال بويلا دكلدر . اما
 مقصد اومساعى يه حسب الاسلاميه لزوم اولمديغنى
 سويلك دكلدر . « صحرا ده كى زنبقره باقكر اكيرومده
 ككرى طوقوم دكلرى حالده نه كوزل كينيورلر .
 كوكده اوچان قوشلر اكدكلرى بچم دكلرى
 حالده ينه آج قالمزلر » طرزنده كى سوزلر قرآن
 كريمده يوقدر اناجيل موجوده واردر . قرآن
 كريمده ايسه « انسان ايچون محصول سعيندن
 بشقه نصيب يوقدر » قاعده سى قونيله رق فقط
 انسانلر الله ايمان وتوكل ايله سى وغيرت ايدرلر
 ايسه الله دخى انلره معاونت وعنايت ايدرك
 مسعود اوله جقلرى اساس حكمتى قونلشدر . بناء
 على ذلك اوروپا و آمريكانك شو ترقيات مساعى
 پرستيسى برده حليه اسلاميتله تمل ايدر ايسه
 ارباب مساعى كندى محصول سعينلر نه خير و بركت
 كورورك محصوللرى احتياجلرينه او قدر كفايت
 ايلركه زمانلرى دخى مشغوليتلرينه كفايت
 ايلد كدن فضلہ عبادت ايچون ده برچوق زمانلرى
 قالور . اسلاميتك بوكى كرامات و معجزاتى عادتاً

مادیات بدیهه دندر اما پک چوق کوزلرده پرده
 غفلت مانع رؤیت اولورده بونلر کوريله مز . یوقسه
 اسلامیتک نصل برکبارلق و ظرافت محضه اولد
 یغنی کورنلر تذوق ایدنلر دنیاده مسلمان اولمق
 سعادتنی هیچ برشیده بوله مز لر . انسانک مسلمان
 اولدقدن صکره حقیقی بختیارلغه ممکن دکل نائل
 اوله میه جفنه یمین ایدر لر . هذا من فضل ربنا !
 ایشته بورایه قدر ایضاح ایلدیکمز نقطه لر
 هب مهتدی محمد وهب افندینک تشبثاتنده کی
 امید موفقیتی میدان ثبوتیه قویه جق شیر اولوب
 هله نشر اسلامیت ایچون بر مجموعه اسبوعیه نشری
 و کتابلر تألیف و ترجمه سی و مطبعه و کتبخانه و مطالعه
 ضالونی و قونفرانس صالونی تأسیسی کی شیر
 دخی تام اسباب مکمله و علت تامه حکمنده بولند
 قلرندن نیشده دخی خلوص اولدقدن صکره بوایشده
 عقلک قبول ایده مینه جکی هیچ برجهت امتناع
 کوريله میور . نه حاجت بودفعه سنده محمد وهب
 افندی موفق اوله مز اینسه یارین احد فلان
 افندینک ده موفق اوله میه جفنی حکم قایلدر ؟
 انکاترده عبدالله غویلیام افندیدن اول دخی

مسلمان یوق دکل ایدی . کندی خانه سنده اتخا
 مسجد ایتش انکلیزلر وار ایدی که اورالرده
 مسلمانلر دخی نماز قیلملر ایدی . عبدالله غویلیام
 بو حالی برجاعت درجه سنه قدر وارد یردی .
 اخلافی دها زیاده تعمیم ایدرلر . امریقاده دخی
 بوتدریجات حصوله کلور ایسه استبعاد اولنه من .
 زیرا هرشی اوقات مخصوصه سنه مرهون اولدیغندن
 انلری هیچ برکسه نه استعجال ایدو بیلورنه استعجال !
 شمدی سوزی ینه سون عرتنه سنه براقه لم که
 مذکور غزته قوجه مهتدینک بومبای وحیدر آباد
 شهر لرنده کی نطقلرندن ماعدا لاهور شهرنده دخی
 ایراد ایلدیکی برنطقی کچن شباط آینده کی نسحدلرینک
 یریسنده یازیور :

* *

سون غزته سی دیورکه :

« دین مبین اسلامی نشر ایتک تصورنده بولنان

مهتدی محمد الکساندر موسیو « روسل و دب »

میلاد عیسی، یورطیسینی لاهورده کچورمش و شهر

مذکور محکمه عالییه سی رئیس « مالای ایله

بخش » مسافرا و لشدر . مومی الیه البسه اسلامیه

لابس اولدیغی کبی ناصیه حالندن اسلامیتی تمامیه قبول ایتدیکی اکلاشیورهنوز چتال و یچاق ایله طعام ایدیور و دیز چوکوب او طور مغه آلیشه میوبه یالکز لحم خنزیرا کلندن و مسکرات استعمالندن اجتنابه ایدیور مومی الیه مسلمانلردن مرکب برجم غفیر و « انجمن حمایت اسلام » جمعیتی اعضاسی طرفندن کمال شوق و خواهشله قبول اولنش و کانون اولک یکر می ایکنجی کونی وقوعبولان بر اجتماعده حاضر بولنه رق امریقاده دین مبین اسلامک نشر و تلقینی حقنده کی تصوراتنی ایضاح ایله دیمشدرکه :

« هندستان مسلمانلردن یوز بیک روبیه « اوتوز بش بیک دولار » طوپالیه جغمی امید ایدیورم . بعده شیقاغوده برجامعشریف ایله برمکتب تأسیسی ایچون شهر مذکوره کیده حکم دین اسلامی نشر و تلقینه چالیشه جق انکلیز لسانه آشنا بعض ذوات دخی بتم ایله برابر اورایه کیده . جکاردر . سرکی اثناسنده شیقاغویه کله جک اولان برچوق مسلمانلر عظیم برجعیت اسلامیه تشکیل ایده جکار و بوضورتیه غربیلره دین اسلامک

مراسم و آیین محاسن قریننی کو ستره جکار در .
 بومراسم و آیین امریقا و اوروپا سیاحینک دائما
 نظر دقتلرینی जब ایتدی . نمازده تلاوت
 اولنه جق آیات کریمه و سائرہ نغمات و الحانی
 غایت لطیف اولان لسان عرب اوزره اوقونه جق
 ایسه ده زیاده سامعین جلب ایچون جمعه کونکی
 خطبه انگلیزجه قرائت اولنه جقدر . قاهره
 علماسدن انگلیزجه بیلور مقتدر برقاضینک خطیب
 مخصوص صفتیه هیئته ترفیق ایدلسی محملدر .
 اسلامیتجه امام و خطیبک و ضائفلری یکدی کردند
 دائما فرقلی بولندیغی جهتله امامک انگلیزجه ده
 آشنا اولسی اقتضا ایتز . قتولک کایساسنده
 لاتینجه اجرای آیین اولندیغی کبی جمعه ده دخی
 لسان عرب اوزره ادای صلات ایدیله جکی جهتله
 اقتدارندن زیاده حسن صدایه مالک برامام انتخاب
 اولنه جقدر »

« قرآن کریمک انتشارینه کلنجه علای اسلامیه
 طرفندن ایدلمش یکی برترجه سنه دسترس اولنجه ده
 دکن موسیو » سال « ک ترجمه سنک اهون فیثائله
 طبعیله اکتفا قلنه جقدر . عقائد اسلامیه ده دائر

بعض کتبه لزوم واردر . امریقادہ پورتن پروتستا۔
 نلرینک قضاوقدر حقندہ کی اعتقاد لری اعتقادات
 اسلامیہ یہ یک مشابہ اولوب بوایسه تشبثک نتیجہ
 پذیر اولسنی تسهیل ایدہ جکدر »

بواجتماعدہ حاضر بولنان برانکلیر طرفندن
 وقوعبولان سؤالہ جواباً موسیو ووب « امر
 مسنون ختانی امریقاجہ قبول واتخاذی لازم
 کلیہ جکی برطاقم عنایہ اسلامیہ طرفندن بکا اخطار
 اولندی بو عادت امریقا موسویلری بینندہ جاری
 ایسہدہ یالکز چوجقلر حقندہ اجرا اولنمقدہ درہ
 بوکا دائر آیات قرآنیہدہ برکونہ صراحت
 اولمدیغی کبی حضرت سیدالابرارک دخی زمان سعد
 اقتران طفولیتلرنده امر مسنون ختان ایله بالذات
 تبرک بیورمش اولدقلرینہ دائر بر خبر صحیح یوقدرہ
 امریستار شہری اہالیسندن وارباب فضل ومعلو۔
 ماتدن برذات اون یدی پیغمبرک مسنوناً طوغدقلری
 کبی جناب فخر کائنات علیہ ازکی التحیات افندمن
 حضرت تلرینک دخی بالطبع مسنون اولہرق پرتوبخش
 عالم شہود اولدقلرینی سولشدرہ مع هذا بو عادتک
 محالہ غریبہ جہ قبول واتخاذینہ لزوم کورہم

تعدد زوجات اصولنك امر يقاجه قبولي عديم
الامكاندر زيرا مورمونلرجه بوعادت قوانين
مملكته مخالفدر مألنده اداره لسان ايتشدرد

مالاوي عبداللطيف دخی جواباً تعدد زوجات
اسلاميتك شرائط اساسيه سندن دكلدر زيرا حضرت
پيغمبر عليه الصلوة والسلام افندمن حضرتلرينك
بوکا صرف سياسي برطاق مطالعائه مبنی رغبت
بيورمش اولدقلری ارباب درايت ومعلوماتدن
اولان بالجمه مسلمانلرجه متفق علیهدر « ديمشدره
محمد الکساندر افندی امر يقاده افکار جديده
اصحابي تعدد زوجاته ميال ايسه لرد بوشبشدن
حصول موفقيتي تأمين ايچون امر يقاده اسلاميتك
تعدد زوجاتك عليهنده بولنسي لزوم مطلق حکمنده
ايدوکنی سويلاشدر مومي اليه « سوات » اخوند
محترمك بعض متبرکاتنی زیارت ايدجك و دعوات
خيريه سنی استجواب ايچون مومي اليهك خلفي اولان
« مانکی منلا » نك زیارتنه کیده جکدره فقط
منلاي مومي اليه موسيو ودهبك پنجاه مواصلتنه
دکین امر يقا قطعهنسك موجود اولديغنی اصلا
ايشتامشدر هند مسلمانلردن بعضيلری موسيو

و دېک تصور ماليسي حصول پذير اوله جغنده
 شبهه ايديورلر. برطاقم مسلمانلردخی بعض محله
 اختاراتی حاوی محررات عمومیه کوندر مشلدره
 لوندرده کی ساطنت سنیه سفیری اخیراً لیورپولده
 موسیو کویلیامک جامعشریفی زیارت ایتش
 وقالکونه محکمۀ عالیہ سی حاکی سیرسید امیرعلی به
 مکتوب یازهرق امریقاده نشر دین مبین حقنده کی
 تشبثک التزام اولنسنی توصیه ایشدر. غجبا دین
 اسلامی نشره چالیشانلرک امریقاده انکاتردن
 دها زیاده نائل موفقیت اوله جقلری ظن واعتقاد
 دنده بولنسنه ومهتدی موسیو و دبه بوتشبدنه
 لیورپولده کی موسیو کویلیامدن زیاده کووه نسنه
 سبب ندر؟ هر نقدر غریب اوله بیلور ایسه ده
 ییک سکز یوز طقسان اوچ سنه سنده شیقاغودم
 برجامعشریف کوریله جک ومناره سنده دخی مؤذن
 وقت صلاتی اعلان ایچون « الصلوة خیر من
 النوم » دیو ندا ایده جکدر.

لکن برامریقالی کنیش البسه نی لابس اولد
 یعنی حالده برجامعشریفده کعبۀ معظمیه متوجهاً
 دیز چوکوب «الله اکبر» دیو ندا ایده جکمیدر.

بوراسی ده کوريله جکدر هر حالده غيور ومقدم
وهپک روبيه لره دکاسه بيله مليو نلرجه مسلمانلرک د عاسنه
استناداً مملکتکزه کله جکده اصلا شبه يوقدر .

*

* *

سون غزته سنک يوقار ووده کی افاداتی اوزرينه
سويليه حکمز سوزلرپک آزدر . محمد وهب افدينک
البسه اسلاميه يی تلبس ايتدیکی حقنده کی سوزلری
«فرانق لسلیس ویقلی» نام امریقار سملی غزته
سنده مندرج بولنان تصویر ی ایله متناقضدر .
حق عاجزانه مزده توجهی بولنان برذات مهتدی
مومی الیهک رستنی حاوی اوله رق بوغزته نک بر
نسخه سنی طرفزه کوندر مشدرکه انده مندرج
تصویر صارقلیدر . فقط البسه فرنک کوملکی
وبیون باغی و پالطولیدر .

ترجه قرآن بخشنه کلنجه قرآن عظیم الشانک
موجود ترجمه لری مطلوبه کفایت ایدهمیه جکری
کی بوجه مطلوب ترجمه دخی محاله قریبدر اولسه
اولسه مختصر تفسیر ترجمه سی مطلوبه توافق ایدم
پیلورکه تفسیر سز قرأندن اجانب دکل آ اولور اولور
اسلام بيله مقاصد قرآنيه یی تماميله ا کلايه مز .

*

* *

« استبشار » سرنامه سی التنده یازمقدمه اولد-
 یغمنز اشبو مقاله مفصله و متسلسله نك زمینی
 تشکیل ایدن معلوماته دفعه دسترس اولمش بولنسه
 ایدك مقاله مزك تقسیماتی دها منتظم اوله رق بناء
 علیه اول سویلنه جك شیلرك صكره یه قالمسی
 و تأخیری لازم كلن بعض ماده لرك اول سویلنسی
 کبی بر درجه یه قدر مکملیت انتظامه مانع اولان
 حالر وقوعه کلز ایدی . لکن معلومات مذکوریه
 پیدرپی دسترس اولیشمن یعنی مقاله مزك بر قسمی
 یازلدقدن صكره اخبار جدیدیه نائل اولمقدمه
 بولنیشمن مقاله مزده بر تألیف منتظمه لایق حسن
 ترتیب بولنه مامسندن طولای البته بزى معذور
 کوسترر . بومشله عالم کونده هنوز یکی حادث
 پك تازه احوال دن اولسیله بر باقه کوره مباحثك شوپله
 کلیشی کوزل دیزیلوب یازیلی ویرمسنده دخی
 کنندینه مخصوص بر لطافت بولنه جفنی و بولندیغنی
 ارباب دقت تقدیردن کپرو طور مزلر .

ایمدی اك صكره امریقادن آلدیغمنز معلوماته
 وسون غزته سندن مقطوع اوله رق بزى کوندریلن
 مارچه لر محتویاتنه کوره مهتدی محمد الکساندر

روسل و دب هندستانك بومبای و حیدر آباد
 و لاهور و سائر بلاد جسمیه سنده گشت و گذارینی
 اكمال و اورا رده کی اهالی مسله ایله ینه اورا رده
 پیدا اولان پروتستانلره ایراد ایلیه جکی مقالاتی
 اتیان و اتمام ایتدکن صکره آمریقایه مرور ایدرك
 نویورقه و اصل اولش و اوراده اك اخص احبا
 سندن و وقتیلله سیام آمریقا قونسلوسی اوله رق
 ممالك شرقیه اسلامیه بی ده بالتبع دین مبین اسلامه
 میل و انجذاب اصحابندن بولنان میرالای « داویدب
 سیکل » ایله ملاقات ایلشدر . آمریقا اهالیسی
 میاننده نشر اسلامیت آرزوسنی میرالای مومی الیه
 بیان ایلدکده محمد و دب افندی دوستی طرفندن
 بالطبع تقویه امیده مدار اوله بیله جک بر جوابه
 نائل اوله مامش ایلده غیرتلی مهتدینك اصل
 رجاسی نویورقه اهالی یه ایلک ویره جکی قونفرانسی
 میرالای مومی الیه نامنه وینه انك خانه سنده
 ویرمك و اهالی بلده یه انك طرفندن پر وزانته
 « تقدیم و توصیه » اولنق صورتندن عبارت
 بولنمسیله داویدب سیکل طرفندن بورجاسی قبول
 اولنمشدر .

بوصورتله وقوعه کلن تمیات متقدمه اوزرینه
 مهتدی محمد و دب افندینک نوپورقده و یردیکی
 ایلاک قونفرانسک زمانی سون غزته سنک مقطو-
 عاتنده « دون اقشام » دیه تعیین اولمش ایسه ده
 مقطوعات مذ کوره اوزرنده تاریخ بولمادیغندن
 بودون اقشامک هانکی دون اقشام اولدیغی مع-
 التأسف تحقق ایدمه مامشدر. زیرا یکی دنیاده اسلامه
 ایلاک دعوتک هانکی تاریخده وقوعه کلدیکی مسئله سی
 بزجه البته اهمیت و یریه جک مسائلدندر. شوقدرکه
 امریقادن بزه بوخبرلری و مقطوعات کوندرن مخبرک
 تحریراتی « فی ۷ مارت سنه ۱۸۹۳ » دیه مورخ
 اولدیغندن ایلاک قونفرانسک دخی تاریخ مذ-
 کوردن برقاچ کون اول وقوعه کلش اوله جغی
 استخراج اولنه بیلور.

سون غزته سنک روایتنه کوره میرالای داویدب
 سیکل شو ایلاک قونفرانسه ینه کندی احباسندن
 ومعلومات وافکار عمیقّه اصحابندن بعض ذواتی
 صورت مخصوصه ده دعوت ایتمکله برابر صالو-
 نلرینی عموم ایچون دخی آچیق بولندیرمش اولد-
 یغندن طلبه علومدن و غزته محرر لرندن دخی برچوق

ذوات اشبه ايلك قونفرانسه حاضر بولمشلردر.
 فقط ينه سون غزته سنك افهام ايلديكي وجهله
 ذوات مجتمعه كويا برانسان عرب قيافته كيرمينجه
 عسلان اوله مز ايش كبي برظن واعتقاد ايله
 قارشولرينه عرب قيافتنده برآدم چيقه جفته منتظر
 ايكن برده سياء پانتالون وفراق وبياض بيون
 باغي والديومن ايله سواره « مسامره » قيافتي
 لابس برآدم چيقي ويرنجهدوچار حيرت اولمشلردر.
 بو حيرت سون غزته سنك بوفقرمي يازان محررينه ده
 كلش اولملي كه كيفيتك بوجهتي :

« خرسديانلره دين ميين اسلامي قبول ايتديرمك
 آرزوسنده بولنان بر كسه نك سواره البسه سيله
 تويورق صالونلرينك بريسند برچوق سامعين
 حضورنده دين اسلامي تلقين ايتديكني كورمك
 وايشتمك نادر واقع اولور برشيدر . محمدالكساندر
 روسل ووهي عرب البسه سنده كورمك اميدنده
 بولنانلرك اميدلري بوشه چيقمشدر »

سوزلريله يازمشدر . بز آمريقا اهالي سنك
 يويله برانتظار غريبده بولمخني استغرابه لزوم
 كورميز . زيرا كنديلري حضرت سعي شيرا-

زینک سوزینی جزو ثیجه تعدیل ایله : « اسلام
 سیرت باش وکلاه تتری پوش » حکمندن بالطبع
 غاقلدر لر . محمد ودهب افندی نك بوقونفرانسه
 مسامره قیافتیله اثبات وجود ایتش اولسنی ایسه
 تمامیه تصویب وتحسین ایلرز . زیرا فاضل موی
 الیه بوحرکتیه اثبات ایشدرکه قیافت معلومه
 متمدنلرینی لابس برخلق ایچنده عرب قیافتلی
 برآدم بولنق نظر تعجب واستغرابی نه قدر جالب
 ایسه ممالك نصرانیه یه اسلامیتك قصد دخولی
 کورمك دخی او قدر شایسته استغراب واستبعاددر
 افکارنده آدم وار ایسه « نصلکه همان هرکس
 بوافکاردهدر » بونلرک شوطنلری نابجا اولوب
 اسلامیت بالعکس مدنیت حاضره نریله مترقی و متمدن
 برخلق ایچنه ایشته اومسامره قیافتنی لابس
 آدم کی همان هیچده ییانجی اولیه رق کیره بیلورمه
 واقعا بو حقیقت دهها شمیدین تقدیر اولنه من .
 زیرا ملل واقوام مترقیه و متمدنیه : « بوترقیات
 تابع اولدیغکز دیانتك تشویقیله وقوعه کلامشدرمه
 بلکه انك استکراهیله وحتى ترقیات مذکوریه یی
 مستلزم اولان بدایع موجدلری علیهنده معامله*

شدیده زجریه و مانع سینه رغماً وقوعه کاشدر .
 اسلامیت ایسه بالعکس ترقیات مذکوریه و بوندن
 صکره دهها ایلرو سنی ده توصیه و تشویق و امر
 ایلور « دنیله جک اولسه بوسوزه بیله اینانماق
 درجه سنده حقایق اسلامیه دن بی خبردر لر . اما
 ایلروده پیدرپی حقایق مذکوریه کسب و قوف
 ایدر لر ایسه کندیلرینه ده قناعت تامه کله چکنه
 اصلاً شبهه ایدیه من .

★

★ ★

مهدی محمد و دب افندینک غایت حزم و تمکین
 صاحبی بر آدم اولدیغنی و امور متشبهه سنده توفیقات
 صمدانیه استناد ایله غایت آهسته و احتیاطی
 طورانه رق او یله درونی تهجات ایله استعجالاته
 بولمادیغنی آمریقادن بزه بوخبرلری کوندرن ذات
 اخبار و تأمین ایلور که شمدی یه قدر مطلع اولدیغمن
 احوال و حرکاتی دخی واقعاً بوضو رقی آید
 ایلمکده در . حال بو که مومی الهک شمدی یه قدر استخبار
 ایلدیگمن حال و حرکاتی یالاکز هندستان طرفله
 نده کی کشت و کذار لریدر . آمریقایه کچد کدن صکره

ایلاک قونفرانسده کوستردیکی طور ایسه ده
 زیاده احتیاطکارانه در . واقعا سون غزته سی مومی
 الیهک بو قونفرانسه ایراد ایلدیکی مقاله نی عیناً
 درج و نشر ایتیمور ایسه ده ادخال ایلدیکی پارچه لر
 دخی بزه بو احتیاطکارلغنی اثباته کفایت ایلیمور .
 از جمله فاضل مهتدینک شوسوزلری سویلش اولدیغنی
 بیلدیریورکه :

« واقعا مسلمانلر حق تعالی حضرتلرینک غیب
 و شهادتی عالم و هر مراد ایلدیکنی فاعل اولدیغنه
 ایمان تام ایله اینانه رق کون و مکان عالمده جریان
 ایلان و قوعاتی تبدیل و تغیر دخی ید قدرت
 و مشیت الهیه سنده اولدیغنی مؤمن ایسه لرده قضا
 و قدره بویولده کی ایمانلری او یله هرایشلرینی برطور
 بی قیدانه ایله براقه رق هر شئی همان جناب حق دن
 بکله مک درجه سنه وارمز . امور و خصوص
 دنیویه لرجه کندیلری صرف مساعی مقدوره
 ایلیه رک بوندن صکره اوایشلرنده موفقیت تامه
 حصولنی عنایت الهیه دن بکولر . اخلاق و عادات
 اسلامیه دن هنوز برایجه اکلایه مدیغمز شی یا لکن
 تعدد زوجات مسئله سیدر . واقعا برآدمک ایلاک

زوجه سندن صکره کی زوجه سی ویا خود زوجه لری
 ایله اولان مناسباتی بر درجه یه قدر لفظی مراد
 برشی حکمنده اولمق طبعیدر . صاحب سعادت
 نبی ذیشان افندمن حضرتلرینک تعدد زوجانه
 حبادی رسالتلرنده رغبت بیورمدقلری ویا لکز
 ایلاک زوجه مکرمه لری اولان حضرت خدیجة
 الکبری ایله اکتفا بیورمدقلری و مشارالیه دن صکره
 دخی ام المؤمنین حضرت عائشة الصدیقه زوجه
 کبری مرتبه سنی بولوب مشارالیه حضرتلرندن
 ماعدا اصل یالکز برایکی زوجه ایله اکتفا ایلد-
 نکری وامهات مؤمنین اولان زوجات سائر
 نبویه ایسه هربری برکونه سبب و حکمت اوزرینه
 داخل حرمسرای رسالتپناهی اولمش بولندقلری
 بشقه بشقه نظر دقت و انتباهی دعوت ایلیه جک
 خصوصاتدرلر . کثرت زوجاتک صکره لری ممالک
 اسلامیه ده پیدا ایتش اولدیغی حال و صورتی
 شمذیکی مدنیت غریبه من اربابنه قبول ایتدیرمک
 ممکناتدن دکلدرد . زیرا عادت مذکورهنک
 او خال و هیئت ایله قبول ایتدیرلمسند مضر تبیل
 درکار اولوب اساسنده کی منافع و محسناتی اقتطاف

ایچون ایسه عوگ درجهیه قدر صورت مدبرانه
و حکیمانده طور انق لازم کلور .

دین مبین اسلامک الک بیوک حسنی الک مهم
فائده سی سالکرینک قناعت و پرهیز کارلغیدر .
مسلمان هیچ بروقت شراب ایچمز . امرضهارت .
و نظافته رعایتی زیاده در . دأما عبادات .
وطاعات ایله اشتغاله مجبوردر . مسلمان کونده
بش وقت نماز ادا ایدر و هر دفعه سنده آبدستی
تجدید ایدر . نسوان اسلامیدنک حقوقی برانکایز
ویا آمریقان قادینک حقوقندن ده از یاده محافظه
اولنشدرد . بین الاسلام فحشیات همان مجهول
اولدیغندن زوجلرینه خیانت ایدن قادینلر
ویا خود زوجهلرینه خائن اولان ارککلر یوق
کییدر . یالکز هندستانده انکاتره حکومتی کندی
عساکری بیننده بوفالغک منع وازاله سنی دوچار
مسامحه ایلدیکی جهتله بوقاعده اساسیه بوزلشدرد .
اسلامیتده رؤسای روحانیه بولنمادیغندن هیچ
کیسهیه ظنون باطله امر اولنماز و ظنون مذ
کوره ده دوام ایچون تشویق ایدلز . سن لوئی
واهبلرندن بریسی بکادیمش ایدی که : « خلقه

تعلیم ایلدیکم شیلرک برطاقم ضنون وعقاید باطله دن
اولدقلرینی بیلور ایسه مده اللی بش یا شمدده اولدیغم
حاله بتون عمری کلیسا علوم وامورینک تعلیم
وتدریسنه حصر ایتش وبشقه یولده تدارک اسباب
معیشته غیر مقتدر بولنش اولدیغمدن بوصورتله
حرکتده دوام ضروریدر «مسلمانلرک محاربه یه
میل فرق مذهبیله لری یوقدر . امور اخروییه جه
اولدیغی کبی امور دنیوییه جه دخی فوق الغایه
توقیر وتعظیم ایتدکلری قرآن کریمک احکام
جلیله سنه تابعدر لر . بوقرآن کریم منزل ومطهر
برکتاب جلیل القدر اولوب دروننده مغایر عقل
وحکمت برسوز بولنه من . الدہ موجود انجیلالر
ایسه برطاقم مالا یعنی سوزلرایله مالا مالدر . بونقطه
نظرجه شمدی یه قدر تألیف وطبع ایدیلاں
کتابلرک ایچنده انجیل قدر بیاغی برکتاب یوقدر .
بتم ایکی کوچوک کریمه م وارددرکه ممکن اولد بیلور
ایسه کندیلرینه انجیل کوسترمیه حکم . خرستیان
مذهبی خرستیانلرجه پاره قزانق مطلبنک فوقنده
برکونه حرص وامل تولید ایدهمیور . بومذہ
هبدہ انسانک آرزو وتمنی ایلدیکی شی هیئت

اجتماعیه جه ترقی و کسب ثروت و ساماندن عبارت،
 کجی کورونیور • حالبوکه دین مبین اسلام
 بونلردن دها عالی فکرلره مستنددر • بودین
 نظرندهرکس بیننده مساوات وارددر • اسلامیتک
 شرطی و حدانیت جناب کبریایی و حضرت رسول
 خدانک رسالتی قلباً تصدیق و دلیل ایله اقراراردن
 عبارتدر »



مدنیت غریبه اربابنک اسلامیت حقنده نه کجی
 ظنلرده بولندقلرینی بیلنرمهتدی ءفاضلک یوقارو و دکی
 مقاله سنی تشکیل ایلیان فقرانک هزبری مدنیت
 غریبه اربابی طرفندن ایراد اولمش کجی تقدیر
 اولنان بررسؤاله جواب اولدیغنی فهم و ادراک ایدرلر •
 احتمالکه بوسؤالر شوایلاک قونفرانسه ایراد
 دخی اولمشلردر • زیرا اولجه دخی دنیلدیکی
 وجهله بالایه نقل اولنان سوزلر محمد و دبا فند
 ینک قونفرانسه سوباش اولدیغنی سوزلرک
 تمامی دکدرلر • بوایه سوزلرک باشلانغچندن ده
 منفهم و ثابت اولور • او یله یا ! هندستانی جولانه

ايدرك حقايق اسلاميه كسب و قوفدن صكر آمرىقايه
كلوب اسلاميتى نشر ايدى جكى كنديسندن اول
« سون » غزته سنه (بزه يالكنز بوغزته نك
پارچه لرى كلكده اولوب بويله مهم بر ماده ايسه
يالكنز بر غزته يه يازيله ميه رق مطبوعات سائريده ده
انتقال ايدى جكندن دنيله بيلوركه) وحقى سائر
برچوق غزته لره درج و اعلان اولنان بر ذات
نويورقده ميرالاي داويدب سيكل خانه سنده ايلك
ويرديكى قونفرانسه بو تحقيق و تشبثى اوزرينه
سرد مقدمات ايتكسزين مطلبدن برنبذه ديمك
اولدرق يالكنز شو يوقارو كى سوزلرى سويله يي
ويرمه كه باشلارمى ؟ هر نه حال ايسه بوسوزلرك
هربرى بر سؤال مقدره جواب اولد قلريني
اخطار ايدى ده سوزلرك ماهيتنده كى قوت و متانتى ده
تقديره مدار اوليق اوزره اسله مذكوره يي
برآزده ايضاحه كيريشده :

اسلاميته دائر ناقص معلومات آتش بوننان
آوروپاليلر اهل اسلامك هر نفسده ياد اسم جلال
ايله امور و خصوصات دنيويه لرجه توفيقات
سجانيه توكل تام كوسترملرندن طولاني ظن

ایدرلرکه مسلمان اولانلر هیچ برایش کورمیوب
 قوت لایموته مسکینانه قناعتله هرشی، یالکز
 حق تعالی دن بکلرلر . ایشته قضا و قدره ایمان
 ایله برابر اهل اسلامک صرف مساعی، مقدور دینه
 مجبوریتلرینی بیان ایتسی بوطنه قارشو بر جواب
 صوابدر . حالبوکه بولابده اصل جواب
 باصوابی تاریخه حواله ایتلیدر . اهل اسلامک
 ولدبخشای اتلام مورخین اولان مساعی، عسکریه
 سندن ده صرف نظر ایدلم . زیرا آوروپالیلر
 مساعی، مذکوردهی حکمت اسلامیه مطلوب
 و مقصود اولیان برطاقم آمال و امانیه اسناد
 ایدرلر فقط اهل اسلامک علوم و صنایعه
 اولان مساعی، خدمتکارانده سنی نصل رد ایدد-
 بیلورلر ؟ علوم ریاضیه و طبیعییه و حکمییه ناک
 و صنایع عادیه و نفیسه ناک یونان و رومالیلردن
 عربلره صورت و درجه انتقالی تاریخک معلومی
 اولدیفی کی عربلرک بونلری نهدر ترقی ایتدیر-
 دکلری دخی معلومدر . همینه آوروپا تاریخی
 نظرندۀ معلومدر . حتی معلوم اولان قسمی ده
 یالکز بدرجه سیدر . درجه تامه سی هنوز

معلوم دكلدر . عربلك عجملك تركلك ادبيات
شرقيه و فقهيات اسلاميه اولان خدمتلى
هنوز تماميله آوروپا و امريكانك واصل نظرگاه
اطلاعى اولماشدر . بو همت مستشرقله قالمشدر .
انلر اعظم مشاهير اسلامك آثارىنى تتبع ايلدجه
مطلبك تمامنى ده آوروپايه اكلا تده جقلردر . اى
بو قدر فعال ساعى غيور اولان برخلق احكام
دينه لرى حسابيله عاطل و مسكين و عباسنى باشنه
چكوب او يومقدن بشته برشيئه ياراماز بيقيدلردر
ديه حكم ايتك رواميدر ؟ اسلاف اسلامك
بو مآثر مساعيسنى هنوز بحق تقدير ايدمىان آوروپا
لىلر و آمريقالىلر شمدىكى احوالى يعنى معاصرین
اهل اسلامك ثمرات مساعيسنى دخی كور مامشدر
خبر آلامشلردر . سنين اخيره ايچنمده اقلام
اسلاميه نك ميدانه قويدىغى آثار جديده نى بو عبد
عاجز مستشرقين قونغره سنده اخبار ايلديكم زمان
او قدر شاشمشلردر كه اكر آثار جديده نك باشليجه
ئرندن يدى سكر يوز پارچه مؤلفاتى ده كوتوروب
اهدا ايتامش اولسه ايدم سويلديكم سوزى مبالغه يه
بولكه ده تفاخر كاذبانه يه چل ايدم جكلر ايدى .

ایشتمدیکمه کوره بکا واقع اولان حال عینیه.
 دو ققور خلقی بکه ده واقع اولمش . اخیراً مأمور
 اولدیغی طیه قونفره سنده برظن عجیه مقابل
 کلش . کویا بزده مقدملری بر مکتب طیه بولندرق
 اوروپالی معلم واسطه سیاه تک توك اطبا یتشدیریه.
 بیلش ایسه ده صکره لری علوم طیه دی اسان
 عثمانی یه نقل ایده جکز دیه مکتبی ده محو ایلد.
 یکمزدن اکر آوروپادن وبا خصوص یونانستاندن
 اطبا کلیه جک اولور ایسه حکیمز قاله جق ایمز.
 بوطنه مقابل خلقی بک کتب طیه مزدن و طی اولان
 فشریات موقوته و منتظمه مزدن نمونه لر کورتر درک
 اثبات ایش که اسکی مکتب طیه عسکریه مز موجود
 اولدرق اردو لر مزه کافی اطبا منتظمه یتشدیر.
 دکدن ماعدا برده مکتب طیه ملکیه مز بولنوب
 دوائر بلدی طبا بته وارنجیه قدر حکیمز چیتار.
 مقدمینز . واقعاً آوروپادن دخی مشاهیر اطبا
 کلایکه ایسه ده انلر ایله ده بالامتراج صحت و سلامت
 عمومییه چالشمقده یز . ایشته کرک اوائلز و کرک
 اواخر مز حقنده ملل مرقیه و متدندنک نقصانی
 معلوماتی حسبیه علم مزده عجیب و غریب حکملر

ویرلسی هر تقدیر بزی محزون ایدر ایسه ده بعد ما
پیدرپی او خطا لک تصحیح اولنسی ده امید لرمزی
آرتدیور .

محمد و دب افندینک یوقاروده مندرج اولان
مقاله سی پارچه لرندن ایکنجی فقره ده ینه تعدد
زوجاتدن بحث اولنش . بوندن اول دخی صره
دوشه رک بوکا دائر برقاق سوز سولش ایسه کده
مهدی فاضلک « برآدمک ایلاک زوجه سندن
صکره کی زوجه و یازوجاتی مناسبات زوجیه جه
ایلکنه متناسب اوله من . اوزوجیت لفظی مراد
برشیدر » طرزنده کی سوزلری بزجه وهله موجب
تعجب اوله جفندن کندیمزدن بوتعجبی دفعه مدار
اولق اینچون بونقطه یی ده برآز ایضاح ایتلی یز .
وقتیه غزته لره اوزون اوزادی یه یازاش
اولدیغی وجهله آمریقاده موزمون مذهبی نامنده
یکی برمذهب چیقمش ایدی که مذهب مذکور
اربابی تعدد زوجاتی ده قبول ایدرک عادت محلیه یه
بویله آچیقندن آچیغه ضوغریدن ضوغری یه مخا
لفترلندن ناشی برچوق مشکلاته تحقیراته تنکیلاته
اوغرادقدن صکره نفوسلری یوزبیکور درجه سنه

واردیغی جهتله برآز کندیلرینی قورتاره بیاشلر
ایدی. و وحدت زوجه ایله کثرت زوجات اره سنده کی
محسنات فرقنی خرسیانلر ایله مورمونلرک بومنا
سبتله ایقاع ایلدکلری مناظره قلیه درجه سنده
وضوح ایله محاکمه ایتک هیچ برکیمسه یه میسر
اوله مز. بونکله برابر نهایتلرنده امریقا قانون
عمومیسی نظرند برآدمک اصل زوجیسی ایلک
زوجه سی اولق اوزره طانه رق دیکرلری برنوع
مستفرشه حکمنده تلقی اولنق اوزره ایشی پاموق
ایپلیکله اولسون باغلای ویرمشر ایدی. دها
صکره لری یعنی کچن سنه لر اوپاموق ایپلیکی ده
قوپارمشر. اما تعدد زوجاتک لهنه دکل علیه نه
اوله رقی قوپارمشر. ایشته محمود ب افندینک اصل
اهمیتی ایلک زوجه یه ویره رک دیکرلرینک لفظی
مراد برزوجیتده بولندیغنی طبیعی کورمسی ده
شومسئله مورمونیه اشارتدر و بوندن طولایی
معذور کوریلور.

یوقسه شریعت غرای اجدیده جه حقوق زوجیت
نقطه نظرندن ایلک صوکلردن هیچ برفرقی
اولدیغنی چله یه معلومدر. هادی ام صلی الله

علیه وسلم افندمز حضر تلرینک اولایالکز خدیجہ
 الکبری ایلہ بالاکتفا و صکره لری دیگر امہات
 مؤمنین ایلہ ازدواج لری حقندہ مہدی فاضلک
 سویلدیکی سوزلر حقایق اسلامیه و دقایق سیر
 احمدیه و واقف اولان بر خلق ایچندہ سویلنیش اولسه
 اثبات مدعایہ کافی کوریلور ایدیسہ ده نه چارہ که
 هیئت مستعدنک بو بایده معلوما ت لری محدود و ناقصدر .
 بیلی که امہات مؤمنینک کثرتی او یلہ مدنیت غربیه
 اربابنک ظن لری و جہلہ یالکز ارزوی رسالت پناہی یه
 مبتنی دکلدر . امہات مؤمنینک شرفی اول قدر
 بیوک ایدی که مخدراتدن بر ذات شریفه یه شرف
 فراش نبوی ایلہ مشرفیت نعمتی تبشیر اولندقدہ
 سونچندن دوچار مرک شادی اولمشدر . زوجیت
 احمدیه شرفنی حائز اولانلرک کافہ سنہ شرف دخول
 پیغمبری دخی منضم اولامشدر . یالکز نکاہ ایلہ
 اکتفا ایدی لانلری دہ واردر . بو بر مسئلہ دقیقہ در که
 او یلہ از بردن زمین مناظرہ تشکیل ایدمز . عمیقاً
 تتبع ایستر . نقصان معلومات ایلہ ایدی لان مناظر اتدن
 هیچ بر نتیجہ حسنہ چیقہ مز . بورالرینی مہدی
 فاضلک کوزل اشارت ایتشدر . ہلہ تعدد زوجات

قواعد اساسيه سنك بالاخره دوچار ايدلديكى
تغيراتى ده كوزل ايتايورمشدر . محمد و دب افنديك
ديدىكى كى صورت مدبرانده و حكيمانه ده طور اتمق شر
طيله كثرت زوجاتك اساسنده كى منافع و مميزات هيچ
بروقتده انكار اولنه مز .

نسوان اسلاميه نك حقوقى انكليز و يا آمريقان
نسواننك حقوقدن دهها زياده محفوظ اولديغى
حقنده سويلديكى سوزى محمد و دب افندى شرح
وايضاح ايتامشدر . بوايه اك مهم برماده در .
آوروپا و آمريكا عادتاً على العموم ظن ايدرلر كه
بزده قادين دنيلان شى ار ككك استشامى ايچون
بركل مشابه سنده در . اندن بشقه هيچ بر حكمى
يوقدر . بر كره صولدى كل پڑ مرده يه نه معامله
اولنور ايسه قادينه دخى او معامله ايديلور .
ار كك آنك زوجى يعنى اشى يارى ياورى جانانى
اوليوب بلكه صاحبي و مالكيدر . حقوق مدنيه مى
يوقدر . حتى كويا نظر اسلامده قادين جنتده
كبريه جك ديه معتقد اولديغى ظنه قدرده واررلر .
استوقه و لم قونغره سنده ديلم دونديكى قدر بوطن
علينده بر مقاله ايراد ايلش ايدم كه « جولان »

نام سیاحتنامه مدء عیناً مندرج اولدیفی کبی انکلیر
 و عرب مطبوعاتنه ده خلاصه ترجمه اولمش ایدی .
 یوبابده سوزک بندن دها اعلاسنی کریمه معنویده
 جودت پاشا زاده عفتلو فاطمه علیه خانم افندی
 حضرتلری نسوان اسلام حقنده کی مسامراتنامه سنده
 سویلشدر . اوده اوقونور ایسه بر مخدره ' مسئله نك
 شانی حقوق مدنیه سی هرشی ' دیکر لرینه نسبتله
 نه قدر محفوظ اولدیغی بحق تبین ایدرك بوجخی
 دها زیاده اوزاتمغه لزوم قالمز .

اسلامك پرهیزکارلغنه شرب خمر و فحشیدن
 یرائتنه و امر نظافت و طهارته رعایتنه و سائر دیه
 دائر مهتدی محمد ووب افندینك سویلدیکی سوزلرده
 نظر واردر . مطلوب اولان شی حق و صواب
 اولدیغنه کوره مجرد مناظره بی قزانه جغم دیه هیچ
 بر مسئله ده افراط ده تفریطه ده چیتیلوب اینلك
 جائز کورلما ملیدر . بونظرك منظره سی مهتدی
 فاضلاک «یا لکن هندستانده انکلتره حکومتی کندی
 عساکری بیننده رذالت فحشك منع و ازاله سنی
 دوچار مسامحه ایلدیکی جهتله بوقاعده اساسیه
 یوزلشدر دیه سویلدیکی سوزدر . بوبوزغونلق

ایسه و الاسفا که هندستانه ده مخصوص دکندر .
تختنده مدنیت غربیه مستقر اولان شابقه لر زده لر
کیور ایسه اورالرده عصمت اسلامیدناک آزچوق
مترزل اولدینی کورلمکده در . بوده اکثریتله ساحل
و تجارتگاه اولان یرلره مخصوصدر . اناطولی ایچلری
دکی یرلر واقعا ایلاک حال معصومیتده درلر . فقط
تجارت بندری اولان یرلره رؤس متشبقه کیوره رک
وانلر ایله برابر برچوق قاریلری دخی کدیرک
مسکرات کونا کون میدانه چیقار . بونلر اولان
یالکز کندیلرینه مخصوص اولدینی جهتله نائل
مسامحه اولورلر ایسه ده یواش یواش اسلامک
کنجیلری دخی مبتلای هوا وهوس اولدیرق
اورالرده اوکوندکلرینی بدرجه یه قدر محافل
اسلامیه ده جلب وادخال ایدرلر . بوبویله در !
بونى انکار ایتک اثر تمصیدر . بالعکس مدنیت
غربیه ناک شویولده کی فلاکتی یالکز کندیلرینی
تحدید ایتکاه قالمیوب بلاسنی بزه قدر تعمیم
ایلمکده بولندیغنی برلسان تظلم ایله اعتراف ایتلی یزکه
بلانک درجه سنی دها زیاده تقدیر ایلسونلرده
کندیلرینی ده بشقه لرینی ده قورتارمق لزومنی ! کا

کوره تسلیم ایلسونلر . بزجه جای تسلیمت یکنانه .
 بواخلاق بوزوقلغنگ یا لکز پک آز کنجلرده بولنسی
 وانلر کده یا لکز کنجلکرینه مخصوص و منحصر
 قالمسیدر . بزده یکر می بش نهایت اوتوز یا شلرندن
 صکره یه قالمیان واک چوغی اون سکزدن یکر می
 بش یا شنه قدر وقوعه کلان ازدواجلر بعض
 کنجلرده کی بوفناقلری ده فی الحال اصلاح ایدرلر .
 آورو پانک « ویوده بوشه » یعنی « اختیار
 چاپقین » دیدکاری آدملردن بزده حد اولسون
 هیچ یوقدر . اوراده سرقلیلری قولوبلری
 طولدیران بوخذله ممالک اسلامیه نك هیچ برطرفنده
 کورلر . مقدارلری حقیقه پک آز اولان بعض
 کنجلر مدنیت غریبه دن الدقلری بوفنا درسلی
 پک چابوق ترک ایدرک بالتأهل انکلیزلرک « هوم
 لایف » تعبیر حسنیه یادایلدکلری معیشت بیتیه
 رجعت ودها هنوز سنلری مساعد ایکن اولاد
 و عیاللری ایله حسن معیشت ایدرلر . او یله اوتوز
 بش قرق یا شلرینه قدر ارککلک لرینک اصل دور
 اقتدارینی اسرافات سفیهانه ده کچیردکن و ارتق
 دوچار ضعف و ناتوانی اولدقدن صکره بالتأهل

بو حالده ده خانه جکی داخلنده و شمینہ جکی اوکنده
 ذوق و صفا بوله میهرق ینہ قولوبلره سرقلیلره
 طاشینان و خانه سنده کی زمان نوم و سباتی ده زوجه
 لرینک دائره لرندن بشقه اولان کندی دائره لرنده
 کچیرن بیچاره لر ممالک اسلامیه ده حقیقه هیچ یوقدره
 نظافت مسئله سنده ده نظر واردر . معلومدرکه
 نظافت ایکی درلودر . بریسی نظافت ذاتیه و دیگری
 نظافت مدنیه در . بر خلقک شوایکی نوع نظافتدن
 بریسنده مکمل اولدیغی حالده دیگرنده اوله مامسی
 صاحب فکر و نظر اولان مدقی تغلیط ایدر .
 ماملیدر . فرانسه ارباب قلندن اولوب بوندن
 قرق سنه قدر مقدم استانبوله گلش و «قونستار
 تئینوپل» نامیلہ برده کتاپ یازمش بولنان
 ته اوفیل غوتیه بو حقیقه جلدن زیاده واقف
 اولمش و مدنیت شرقیه و اسلامیه حقنده بشقه لرندن
 ده ها طوغری حکملری کندسی ویرمشدر . برکون
 بر پیاده قایغه بنش . قایقچینک اداره بزندن
 کوملکنی و پاتسقه دن قوجه مان شالوارینی و فسی
 او قدر تمیز بولمش که آورو پاچه بویولده کی ارباب
 مساعینک هیچ بریسی بوقدر تمیز بوله مامش . هله

قوللری کو کسی باجاقلری آیاقلری چیرچپلاق اولان بو
 قایقچینک وجودنده کی طهارت و نظافتی کندی
 نظافت شخصیه سنه بيله فائق کورمش . اويله یا !
 کونشه قارشو کورهك چکهرك ترله دیکی حالدہ
 طبعه کران کله جک هیچ برتر قویسی حس اولنمیان
 یو آدمک بالخاصه آیاقلرنده کی تمیزلکی اوکور اولمز
 کبار غریبه ده بيله بوله مز ایسه معذور کورلمزی ؟
 محرر مشارالیه حکم ایدیورکه قایقچینک بونظافتی
 اهل اسلامک هراقتضا ایتدجکه استحمام ایتسی
 وکونده بش دفعه آبدست آلمسی والبسه سی پاک
 اولدجقه نماز قیلہ مامسی مجبوریتلرینک ثمره سیدره
 هم ده اويله در . بونی بویله یازدقدن صکره برده
 استانبول سواقلرینک نظافت بلدیہ دن محرومیتنی ده
 یازیور . نصلکه استانبوله کلان سائر آوروپالیلر
 یالکز بونظافت مدنیہ دن محرومیتزه نصب نظر
 دقت ایلهرک شدیداً بزی مؤاخذه ایلورلر .
 ایمدی نظر حکمتده نه مهتدی محمد وهب کبی
 یالکز نظافت مذهبیّه شخصیه و بیتیه مزى ونده
 سیاحین شرقیه کبی یالکز عدم نظافت بلدیہ مزى
 کوروب کوسترمیه رك هرجهته عطف لحاظه

حکمت اول نور ایسه حقیقت دخی اوزمان و اوصو-
رتله میدان چیقار .

اسلامیتده رؤسای روحانیه بولنامسی انسانیت
و حکمت نقطه نظرندن ادیان سائرده نصل غبطه
فرما بر نعمت اولدیفنی « مدافعه » نام اثر مزده
تفصیل ایتش اولدیغمزدن بوراده تکرارینه هیچ
لزوم یوقدر .

مسلمانلرده محاربه یه میال فرق مذهبییه بولندی
سوزینی فاضل مهتدی هیچ ایضاح ایتیور .
برکره جنک صلح احقاق حق کبی مسائل سیاسیه ده
اسلامجه فرقه و مذهب فرق هیچ یوقدر آ !
چونکه بومسائل نصوص قاطعه قرآنییه ایله حل
و قطع اولنوب بتشدر . امدی محاربه حقنده کی
احکام قرآنییه تتبع ایدلمیدر که تا اسلام عهدینه
کلنجیه قدر جنک دنیلان شی صرف باربارلقدن
عبارت ایکن شمدیکی محاربات منتظمه مدنییه دن
دها منتظمنک اساسنیینه قرآن عظیم الشان قویمش .
اولدیفنی کورلسون . محاربه اهل اسلام انجون
عبادت عظمادر . « عبادت » دنیلان شیده ایسه
حسن بولمق اصول دینزدندر . حسنی اولیان شی

عبادت اوله من . علمای دین رحمة الله عليهم اجمعین
 افندیلر من حضراتی اصول دینده هر شیئی انتقادات
 شدیدہ نتیجہ سیلہ تحکیم ایتشلر در . جنکده بنیان
 رب عزتی تخریب مسئله سی بولنه رق بوا یسه حدیثه
 شریف نبوی ایله تقدیح و تقبیح قلنش اولدیغندن
 جنکک نره سنده حسن بولندیغی تحریاتی نتیجہ سنده
 جهات حسنه سی بولنوب بالاثبات قواعد حربیه
 وضع قلنشدر . بوجهات حسنه ایسه دفع ظلام کفر
 و الحاد و اعلاى کلمة الله ایله عالمده بن الامم صلح
 و صلاحک تأییدیدر . قصاصده حیات بولندیغی
 حکم محققه اسلامیه دن اولدیغی کبی قتالده دخی دفع
 فتنه جهتیه صلح بولندیغی « انلر ایله مقاتله ایدکن
 تا که فتنه دن اثر قالیه » حکم شریفنده اولان
 آیت کریمه ایله میدانہ چیقارلمش بر حقیقت عظمادره
 فتنه نك قتال دن اشد اولدیغی دخی حضرت قرآن
 اثبات ایلور . بونکله برابر قتالده اسرافدن ده منع
 ایدوب اسلامه نه جهتدن ونه قدر تعدی ایدیلور
 ایسه بزمده او قدر تعدی ایده بیله جکمزی واسرا
 و مغلوبلره رأفته معامله ایلیه جکمزی هپ حضرت
 قرآن فرمان بیور یور . اسلامک حربده مأموریتی

ایله نصارانك حربدن ممنوعیتی نه دیمك اوادیغنی
 ماده کوروب اکلایق ایچون تاریخدن مشاله
 ایسترمیسکز؟ حضرت عمر الفاروقك (رضی الله
 تعالی عنه) قدس شریفی فتح ایتسیله برده اهل
 صلیبك مؤخرأً قدس شریفی استیلا ایلدیکی زمانه
 اسلام وخرستیانك مغلوبلره ایتدیکی معاملیه تاریخنه
 صورکز! همده سه زار قانتو کبی اك غیرتلی بر
 قاتوليك مورخنه صورکز. آله جق جواب البته
 بزى مفتخر و مناظر مزى منكسر ایلر .

نصرانیتك پاره قزانمقدن عالی بر امل تولید
 ایتدیکی وتشویقاتی هیئت اجتماعیه جه ترقیدن عبارت
 یولندیغنی حقنده محمد ودهب افندیك سوزلری دهه
 زیاده شایان تدقیقدر . نصرانیت پاره قزانمقی او قدر
 شدتله توصیه ایدیورمی یا؟ هیئت اجتماعیه جه
 ترقی دخی اودرجه لرده ملتزم کوریلورمی؟ اناجیل
 موجوده نك قناعت وتوکل وشفقت خصوصنده کی
 وصایای پك بیوک وپك ده ممدو حدر . انجیل
 وصایای مذکوره یالکز برکفدلی میزان حکمنده
 قالمشدر . کفه متقابلی یوقدر . بنه علیه انجیل
 شریفك احکامنه نظراً انسانلر هیچ چالشمامی

توکل تامده بولنلی اللرنده اولانی ده اخوان دینلریله
 برابریتلی ایشک ایلروسی هیچده دوشونما میدره
 اسلامده ایسه قناعت و توکل و شفقت نصوص
 صریحه ایله امر اولندقدن صکره بواوا امر ترازونک
 برکوزنی تشکیل ایدرک دیگرکوزی ده سعی و غیرت
 و سامان و ثروت مقاصدی ایله طولدیریلوب توازن
 حاصل ایتدیرلشدیر . فقرای صابرین ایله اغنیای
 شا کرین مرتبه مقبولیتده او موز او پوشورلر . هر نه
 ایسه ! بوندن مقدم دخی صرده سی کلدجکه دنیلدیکی
 وجهله اخلاق و آدابہ تملق ایدن بومثللو احکام
 دقیقہ تعمیق اولنه رق هر حکمک ماهیتی مبسوطاً
 میدانہ قونلیدرکه مناظره واقعه دن نتیجه مطلوبه
 استنتاج ایدیلہ بیلسون !

*

* *

اشبو قونفرانسه شایان قید و ضبط ایکی حال
 اولشدرکه انلردن بریسی عن اصل شرق
 ارمنیلرندن اوله رق آمریقاده اجرای طبابت ایتکده
 بولنان دو قنور غابریه لیان نامنده برذاتک محدودب
 افندی یه مقابل بر مقالہ ایراد ایتش اولسی
 وایکنجیسی دخی حضرت عیسی علیه السلامک

عمرندن اون ایکی سنه بی نصل ونزده کچوردیکی
 خرسیتیانلر معلوم اولدیغی حالده کندیسنجمه معلوم
 بولندیغنه دائر محدودب افندی طرفندن برآرهلر
 ایراد اولان برسوز اوزرینه ژونکرس غزته لرندن
 برینک محررلرندن اولدیغی بیان ایدرک اورتیه
 فرلایان بردلی قانلینک او معلوماتی کندیسنه اعطا
 سیچون محمد و دب افندی دن رجا ایتسی قضیه سیدره
 بوا یکی قضیه بی دخی بشقه بشقه نظر تدقیقه چکه لم :



سون غزته سنک افاده سنه کوره دو قشور
 غابریه لیان افندی اسلامیت ازهر جهت خرسیتیانلرک
 مادوننده بولندیغنه دائر اوزون اوزادی به براعتراض
 سرد ایلش ایسه ده و اسفا که مذکور غزته
 بوا اعتراضاتی عیناً درج و بیان ایتیه رک یالکز دیانت
 اسلامیه نک مسلمانلری عذاب جهنم ایله اخافه ونعم
 جنتله اطماع ایلدیکنه یعنی اهالی به برچوجغه
 ایدیه جک معامله بی ایفا ایتدیکنه ونصرانیتک ایسه
 شهوات نفسانیه به مقاومتی امر ایدرک خرسیتیانلره
 چوجق معامله سی ایتدیکنه دائر سوزلر سولش
 بولمندن عبارت بر خلاصه در میان ایلشدر *

محمد و وب افندی بواعتراضاته مقابله ده بولمش
ایسه ده سون غزته سی انك مقابله سی دخی عیناً
نشر ایتیه رك یالکز :

« قرآن کریم دقتله قرائت اولنور ایسه ایولکه
ایولکه مقابله اولنسی هم ده براجر و مکافات امیدله
دکل مجرد مروت انسانیه ده موافق بر فعل حسن
اولق اوزره توصیه ایدلدیکی کوریلور »

دن عبارت بر خلاصه سردیله برابر بس بالی
عقابریه لیان افندی کندی اعتراضاتی میاننه نسوان
اسلامك استتاری ماده سی دخی قاتمش اولمدرکه
سون غزته سی ینه محمد و وب افدینك مقابله
و جوابی میاننه :

« نسوانك تستر ایتسی فکری عادات مملکتدن
اولوب دینجه برشی دکلدر . تستر عادتی محافظه
حفت و عصمت مقصدینه مبتنیدر . حقیقت حالده
ایکی دین یعنی اسلامیت و نصرانیت اساساً یکده
یکرینه پک مشاهددر . یالکز مسلمانلر « اقایم ثلثه » یه
اینانمیلورلر . عقائد اسلامیه امریقاده قبول
اولنه جق ایسه بوعقائد دین محمدی یه برطاق مغایر
عقل و حکمت شیلر علاوه ایدن برصنف مسلمانلر

کبی اجرا ایدلموب یالکز احکام جلیله قرآنیه
نشر اولنه جقدر»

سوزلری دخی علاوه اولنیور. لکن دقتہ
ایقلیدرکه بوسوزلر دخی محمد وهب افندی نیک
اغزندن بویله جه چیقمشدر دیه یازلمیور. مالی
بوندن عبارت اولق اوزره سویلندیکی حکایه
صورتندہ بیان اولنیور.

دوقتور غابریه لیان افندی نیک نصرانیت اسلامیتہ
نه جهتلرله فائق اولدیغنی اثبات یولندہ ایراد
ایلدیکی دلائلک هر جهتنی موضحاً کورمدیکمزدن
انلره برشی دیه مز ایسه کده کندیزی یالکز ایکی
نقطه یی ایضاح ایلشدرکه بونلر اوزرینه سویلیه جک
بعض سوزلر مز وارد. بوایکی نقطه دن برسی
اسلامیتک انسانلری جهنم ایله قورقوتہ رق جنت
ایله اطماع ایتسی و دیگری دخی خرسیتیانلغک
شہوات نفسانیہ یه مقاومت امرندہ بولنسی قضیه لیدرم.

اولا برنجی مسئله یی پیشگاه تدقیقه چکه لم :
مسلمانلغک حقایق و غوامضی ملل غربیه یه معلوم
اولیه بیلور. هم حقیقه معلوملری اولدیغنی د

اثر ليله کوريلوب طور يور . زيرا شمدي يه قدر
اسلاميته دائر کنديلرينه ويريلن معلومات برطاقم.
غرضکارلر طرفندن تحريف وتبديل صورتنده
ويرلش اولديغندن مراق ايدنلر دخي محتاج
اولدقلري صورت ودرجه لرده طوغري خبر
الله مامش لدر . بلکه بوندن صکره مستشرقلرک
همتيله اله بيله لر . فقط ملل متريقه غريبه
« اصول دين » نه اولديغني ده بيلنر دکلردر .
بواصول پک اعلا معلوملريد . اديان سماويه وغير
سماويه ني تدقيق وتبمع ايدرک « دين » دنيلن شينک
نه کي اساسلر اوزرينه مبتني اولدقلريني ميدانه
چيقارمشلردر . بناء عليه كيفيت دو قوتور غابريه ليان
افندينک معلومي دکل ايسه واقف احوال اولان
غربيونک معلوميدرکه دينلر ايکي اساس اوزرينه
مبتني اولوب بونلرک بريسنه « تنذير » وديکرينه
« تبشير » ديرلر . ذاتاً عقل سليم وطبع مستقيم
دخي « هرکيم ذره مثقالی عمل خير ايدر ايسه
مکافاتنی وهرکيم ذره مثقالی عمل شر ايدر ايسه
مجازاتنی کورر » قانون طبعيسنه تسليته بولنورکه
يالکز بردين ايله متدين اولانلر دکل هيچ بردين

طایماق داعیه‌سنده بولنان منکرین فلاسفه بیه
 شوقاعده طبعیه دن مباعده یول بوله مامشدر.
 دوقتور غابریه لیان افندی استغراب ایتلدرکه
 اسلامیه فائق دیه ادعا ایلدیکی نصرانیت دخی
 بوقاعده اساسیه اوزرینه مبتنیدر. حتی موجود
 انجیللرک محرفیتلری بیه بوکا مانع اوله مامشدر.
 زیرا محرفیت اناجیل مسئله سی اکثریا حضرت
 عیسانک (ع. م) ترجمه حالنه عائدوا حکام موسویت
 وعیسویته متدائر شیلرده اولوب یوقسه «حضرت
 عیسی دیدی که» دیه کندوسنه اسناد اولنان
 سوزلرده غیرت تحریف اوقدر آثار تخریبی
 کوسترمامشدر. هم بوسببه مبنیدرکه غایت حکیمانه
 اولان اوسوزلرک منزل من عندالله کلاملردن
 اولدیغی دخی یک نظرده اکلالمقدمه در.

ایمدی مجموعه اناجیلده برنجی کتاب اوله رق
 مندرج بولنان متانک انجیلنی آچوب ایشته سوزمکه
 باشلادق: اوچنجی بابده ۷ نومرولی آیتده
 «آنلره دیدی که: ای انکرک نسلی کله جک غضبدن
 قاپغی سزه کیم اوکرتدی» وینه بوبابک ۱۰ نومرولی
 آیتنده «هم ده حالا بالطه اغاچلرک کوکنک یاننه

قونلشدور . ايمدی ايوميود ويرميان هراغاچ
 کسيلوب آتسه آتيلور » و ۱۱ نومرولی آیتده
 « بن سزی توبه ايچون صوايله وافتيز ايدرم اما
 بندن صکره کلان بندن قوتليدر . آنک آياق
 قابلرینی بيله طاشيغه لايق دکلم . اوسزی روح
 القدس و آتش ايله وافتيز ايدجکدر » و ۱۲
 نومرولی آیتنده « يابه سی دخی النده اولوب کندی
 خرمنی تماميله صاويره جق و بغدادینی درانبار ايليوب
 صمانی سونمز آتسه ياقه جقدر » ديورکه ايشته
 بونلردن يالکز بغدادايک درانبار اولنسی تبشير
 و باقي کافه سی تذيردر .

کذلک بشنجی بابک ۳ نومرولی آیتنده « نه مبارکدر
 روجه فقير اولنلر زيراملکوت السموات آنلر کدر »
 و ۴ نومرولی آیتنده « نه مبارکدر محزون اولنلر
 زيرا انلر تسلی بوله جقلردر » و ۵ و ۶ و ۷ و ۸ و ۹
 و ۱۰ نومرولی آیترده « نه مبارکدر حلیملر زيرا
 آنلر زمینی ميراث اله جقلردر . نه مبارکدر صلاحه
 آجيقوب صوصا يانلر زيرا انلر طويوريله جقدر .
 نه مبارکدر مرحتلولر زيرا انلر مرحته مظهر
 اوله جقلر . نه مبارکدر قلبی پاک اولنلر زيرا انلر اللهی

کوره جکله . نه مبارکدر صلح ایدیجیلر زیرا انلره
اولاد الله تسمیه اولنه جقدر . نه مبارکدر صلاح سبیلله
تعدی کورنلر زیرا ملکوت السموات انلرکدر «
دینلشد که ایشته بونلرک کافه سی تبشیردر . ینه
اشبو بشنجی بابک ۲۰ نومرولی آیتنده « زیرا
سزه دیرم که اکر صلاحکنر علما و فریسیلرک
صلاحندن زیاده اولمز ایسه ملکوت السمواته اصلا
کیرمیه جکسکنر » و ۲۳ نومروسنده « هرکیم احق
دیرسه جهنم آتشنه مستحق اولور » و ۳۰ نومرو-
سنده اعضا کدن برینک ضایع اولسی بتون جسدکک
جهنمه آتلسندن سکاخیرلودر « دینیلیور که ایشته
بونلر دخی تنذیردر .

سکننجی بابک ۱۱ نومرولی آیتنده « سزه
دیرمکه شرقدن و غربدن چوق کیسه لر کلوب
ابراهیم واسحق و یعقوب ایله برابر ملکوت السمواتده
سفرمیه اوتوره جقلر « دینیلیور که بوده تبشیردر .
اوننجی بابک ۲۸ نومرولی آیتنده « هم جانی
هم جسدی جهنمه هلاک ایتکه قادر اولاندن
قورقکنر « دینیلیور که تنذیردر .
اون برنجی بابک ۲۲ نومرولی آیتنده ده روز

جزاده صور و صیدانك حالى سزككیدن اهون
اوله جقدر « و ۲۴ نومرولی آیتنده » روز جزاده
سدوم دیارینك حالى سنككیدن اهون اوله جقدر
دینیلیورکه تنذیردر .

اون ایکنجی بابك ۳۶ نومرولی آیتنده ، آدم لر
سویلدکری هر باطل سوز ایچون روز جزاده
حساب ویره جکلردر . زیرا سن کندو سوز لر کدن
تهریه اولنه جقسك و کندو سوز لر کدن محکوم اوله
جقسك « دینیلیورکه تنذیردر .

یکرمی اوچنجی بابك ۳۳ نومرولی آیتنده
« ای ییلانلر ای انكرك نسلی حنم عذابندن
نصل قاچه بیلورسکنز » دینیلیورکه تنذیردر .

یکرمی بشنجی بابك ۴۱ نومرولی آیتنده : « ای
ملعونلر شیطان ایله آنك ملائکه سنه حاضر لنمش
شول ابدی آتسه حضور مدن کیدیکنز » دینیلیورکه
تنذیر و ۴۶ نومرولی آیتنده « و بونلر ابدی عذابه
وصالحلر ایدی حیاته کیره جکلردر » دینیلیورکه
تنذیر مع التبشیردر .

بز بوراده یالکنز متا انجیلنی سوزدك بونلرک
امثالی اناجیل سائرده ورسوللرک اعماللرنده

دخی واردرد . حتی بز بوراده صوڪ درجه یه قدر
اختصارى التزام ایلدك . زیرا انجیلده جهنمك
توصیفی یولنده » اوراده اغلاشلر و دیش غنجر
دیلى واردرد ، طرزنده هیبتلى سوزلرده واردرد .
لكن انجیللرده بونلر واردرد ديه اعتراض ایلیه جك
و « ابراهیم واسحق و یعقوب ایله سفره یه او توریله جفنى
سویلك چوجق عقللى آدملى اطماع و ابدى آتشلره
آتیه جفنى بیان ایلک ینه اوصاف درونلری اخافه دره .
کامل انسانلر بویله ارشاد اولنمزلر » ديه جك
اولور ایسه ك جدی و اهمیتلى برسوز سولاش
اوله میز . كرك سماوی كرك غیر سماوی هر دینك
اصولى بویله تبشیر و تنذیر اساسی اوزرینه مبتنیدره .
اكر قونفرانسه محدودب افندی شویله براخطارده
بولنش اولسه ایدی غابریه لیان افندیك دیانت
نصرانیه یه بیله وقوفسزلى مرتبه تحققه واره رق
بو حالده دیانت اسلامیه یه وقوفسزلى عادتاً معذور
کورلك لازم کلور ایدی . احتمالكه دو قنور
مومى الیهك اعتراضات واقعہ سنی سردایتمسى اوزرینه
مستمعین حضارك احوال و اطواری بووقوفسزلىك
تقدیرینی ایما و اشراب ایتشدردده حضرت مهتدی

دخی آندن طولایی اعتراض مذکوری بویولدم
برجوابدن مستغنی کورمشدر.



دوقتور غابریه لیان افندیك تعیین ایلدیکی
ایکنجی مسئله دین عیسوینك شهوات نفسانیه
مقاومتی امر ایلدیکی مسئله سیدر. اسلامیت حقنده
یلان یا کیش نشر اولنان معلوماتك ممالك غریبه ده
پیدا ایلدیکی برفکر واردرکه اودخی اسلامیتك
اساسی کویا احتساسات شهوانیه اوزرینه مبتنی
بولنشدن عبارتدر. بوکا سبب دخی شریعت اسلامیه نك
تعدد زوجاته مساعد بولنسیله برابر برده اهل جنت
ایچون حوریلر وعد و تبشیر ایلسی قضیه سیدر .
شمدی دوقتور غابریه لیان افندیك خرسیتیانلقده
مقاومتی امر اولنان شهوات نفسانیه دن مرادی ایکی
صورت اوله بیلورکه آنک برنجیسی انسانك ملکات
طبیعیه سی میاننده اک مهم عد اولنان بوملکه دن
برصورت مشروعه ده استفاده ایلسنك منعی وایکنجیسی
ایسه ینه بوملکه طبیعیه دن برصورت غیر مشروعه ده

حصه المغه چالشمنك منعيدر. بوايكي مسئله يي ده
پرر برر تدقيق ايده لم :

بني بشرك ملكات طبيعیه سندن استفاده حقنی
ابطال ايلك عجباً اديان قديمه و جديده و عقايد
صماويه و غير صماويه دن هانكيسي طرفدن تجويز
اولمشدر ؟ بويله برشي دين نامنه اوله رق عالمك
هيچ برطرفنده ارانه اولنه من . اكر دوكتور
غابريه ليان افنديك مرأى تعدد زوجات ايسه
بومسئله عظيمه پك بيوك برتبعه احتياج كوسترره
اول باول نظر حكمت و اهميته النليدر كه
اسلامده درت زوجيه مساعده و يرلسي توسيعاً
دكلدر. يعنى عرب نژدنده عن اصل زوجة واحده
ايله اكتفا اولنيور ايكن شريعت اسلاميه بونلرك
مقداريني درده قدر تكثير ايلامشدر. بالعكس
عرب جاهله ايچون زوجاتك حد و پايانى اولميوب
نقدأ و طبعأ قدرتي اولنلر استدكلري قدر قادين
اله بيلور لرايكن شريعت اسلاميه بومقدار غير محدودى
قصر و عدد زوجانى درده حصر ايلمشدر . يالكز
شومطالع جق دوكتور غابريه ليان افنديك اعتراضه
جواب كافى اوله بيلور. چونكه آنك ديديكى كى

اسلامیت احتسابات شہوانیہ اوزرینہ مبتنی بولنسه
ایدی عدد زوجاتی درده حصر ایتک یولنه
کیدلیوب ذاتاً موجود اولان غیر محصوریت
غیوسی. آچیق براغیلور ایدی .

حالبوکه اصل نظر دقتہ النہ حق برده انسانک
حیوانیت مخصوصہ سی قضیہ سی واردر . تاریخ
طبیعی بہ آشنا اولانلر ایچون تفصیلات زائده بہ
حاجت اولدیغی وجهله حیوانلر کندی طبیعتلرینہ
کورہ « ذو زوجہ واحدہ » و « ذو زوجات کثیرہ »
دیه ایکی بہ تقسیم اولنورلر .

طبعاً زوجہ واحدہ صاحبی اولان حیوانات
انلر درکہ ارککی دخی تکثیر تناسل خدمتندہ
دیشیلرله مشترکدر . کوکر جینلر کی کہ زوجہ سنک
قولوچفہ لغی زمانندہ ارککی دخی قدرت رجولیه دن
منعزل اولہ رق دیشیسی یورطہ اوستندن قالقدقجہ
کندوسی یاتقی و بعضاً دیشیسی قالقمدقجہ آغزیلہ
اکاییہ جک و ایچہ جک کتورمک و یا ورولر چیقدیغی
زمان انلرہ نفقہ طاشیق مثالو خدمتلرده عینیلہ
بردیشی کوکر جین کی خدمت ایدر . بومدت ظرفندہ
کندوسندہ احتیاج و قدرت رجولیه بولنسه ایدی

او قدرتك اجبار والاحانه مقاومت حسب الحيوانيه
قابل اوله ميه جنى جهته احتياج مذ كورى بشقه
يرلرده تسويه غيرتنه دوشرايدى . زوجات كثيره
صاحبى اولان حيوانلرده ايسه ايش بشقه درلودره
ديشيلرك والده لكه تعلق ايدن وظائفنه ار ككلر
اصلا اشتراك ايتزلر . خروس و طاووقلر كى كه
زوجاتندن بريى توليد وظيفه سنى زوجيت
وظيفه سنه تقديم و ترجيح مجبوريت حيوانيه سنه
دوشديكى زمان ار ككى بو وظيفه طبعاً مشترك
اوله رق و قدرت رجوليه سندن منعزل قالمه رق
زوجات سائر سيله معاشرته دوام ايلر .

انسانك بو ايكي صنف حيواندن هانكي سنه
منسوب اولديغنى تعيين ايتك اصلا مشكل دكلدره
ار ككلرك والده لك وظيفه سى خصوصنده قادينلر
ايله طبيعت حيوانيه ده مشترك اولديغنى و حل
ايلر ولد كد نصكره قادينك ار ككدن تباعد مجبوريت
طبيعيه سنه دوشهرك وضع جلندن برنجق ماه صكره يه
قدر مقاربه نك طبعاً ممنوع بولنديغنى و بوندن بشقه
منتظماً هر آي سكزر اوزر كونك ينه بو ممنوعيت
حكمنده داخل ايدوكنى و بو ممنوعيتلر انساننده

ایسه ارککلرک حق و قدرت رجولیه دن منعزله
 قالدیغنی دوشونمک کافیدر . ایددی طبیعت اوزرینه
 ینا و حکم ایدمک لازم کلور ایسه کمسه نک اعتراضه
 قدرتی قالمیه رق تسلیمیت کامله یه مجبوریت الویررکه
 انسانلره تعدد زوجات حقنی ویرمک برامس طبیعی
 وانسانلری بو حقدن منعه قالقشقم طبیعتیه قارشو
 یرتعرضدر .

بونکله برابر مهتدی محدودب افندی نک دفعاتله
 دیمش اولدیغنی وجهله انسانک بو حقوق طبیعییه
 سندن برصورت معقولده استفاده سنی شوائب
 سوء استعمالدن منع ایده بیلک غایت دقیق بر مسئله
 مشکله اوله بیلوب شریعت محمدیه بونک شرائطنی
 تعیین ایتمکله برابر اومشکلات برطرف ایدیله میه جکه
 اولور ایسه زوجة واحده ایله اکتفائی فرض
 قیلاشدر .

برده بومسئله یی تاریخنک اتنوغرافیایا فننه
 تطبیقیله حل ایتلیدر . اسلامده کی تعدد زوجاته
 اعتراض ایدنلر عجبا بزه بر جمعیت بشریه ارايه
 ایده بیلور لر می که اوراده تعدد زوجات حقیقه
 منع ایدیله بیلش اولسون . اک وحشیلردن اک

متمدنلره وارنجیه قدر ادیان غیر سماویه اربابی
 نزدنده تعدد زوجات مجاز ایدی . برشریعت
 سماویه اتباع امرنده . متقدمیندن عد اولسان
 یهودیلر نزدنده ینه مشروع ایدی . اشبوشریعت
 یهودیه بی بوزمغه کلامش اولدیغنی و قیامته قدر
 شریعتدن برحرف تبدیل اولنه میه جنی عزمنده
 بولندیغنی و یالکز ا کماله کلدیکنی اعتراف ایلان
 حضرت عیسی علیه السلامک آغزندن تعدد زوجات
 علیهنده برحکم صریح صدور ی اناجیل موجودده
 کورلما مکده در . تاریخلرک روایات محققه سنددرکه
 ایلک عصرلرک خرسیتیانلری بومثللو احکام مدنیه جه
 یهودیلردن اصلا فرقلی اولیه رق زوجات کثیره
 ایله تعیش ایدنلری دخی وار ایدی . بعض مجتهدین
 نصاری یالکز پاپاس طاقنک زوجه واحده ایله
 اکتفا سنی اجتهاد ایتشلردرکه قتولیک کلیسا سندن
 مانعدا عموم مذاهب نصاراده بواجتهاد تعدیلاته
 جزئییه ایله حال امرعیدر . وحدت زوجه مجبوریتنی
 عن اصل روما قانونلرینه بنا ایدرک میدان قویان
 قصرانیت کلیسامی واقعا بو حکمی ویرمش ایسه ده
 طبیعته تعرضدن عبارت بولسان حکم مذکور

هیچ بروقتده تماماً مرعی اوله ما مشدر . دهها
رومالیلر زماننده موجود اولان استفراش غیر
مشروع بلیه سی تعدد زوجاتک منعیله برابر نصرا نیت
عالمنده کیر مشدر . بر متره سنه خوش کورنمک
ایچون رومایی آتسه ویرن بت پرست ایمپراطور لر
کورلدیکی کبی ینه بر متره سنک کیفی ایچون لزومسز
محاربه لر آچه رق اوروپایی قانلره بویایان خرستیان
قرالار دخی کورلمش و بنی بشرک اجباراته
شهواییه دن منعی قابل اوله میه جفی جهتله بویله
بر مجبوریته دوچار ایدیلان پاپاس طاقنک منوعیت
مذکوریه قناعتی بحق و قطعاً قابل اوله میه رق
هله بونلرک اوقدر رذائل شهوت پرستیلری میدان
المشدر که فضائل مدنیه سیله مفتخر اولاق غیرتنده
بولنان بنی بشر ایچون رذائل مذکورده دن بیوک
ذل اوله مزه ارتق احاد ناسی حسابه بیله قویعاً ملیدره
رؤسا و پیش امدان بو حالده بولندقدنصکره جمعیت
مدنیه نک بر فحش خانه عمومی صورتنی المغه قدر
وارمی بیله استبعاد اولنورمی ؟

ایشته دو قنور غابریه لیان افندی نک شهوات
نفسانیه سوزندن مترتب اولان استفاده مشروع

جهتی بحسب الدنيا بویله دره بونك جهت اخرویه سنه
یعنی جنتده نائل اوله جغمز حوریلره کلنجه : واقعا
اوروپا افکار عمومیه سی اصل بوجهتك علیهنده
او قدر ا کاذیب ایله اخلاص ایدلمشدرکه بریرده
« جنت محمدیه » دینیه جك اولسه او عمل معنوی
ومباركك براوروپای عمومی بالوسی نظریله تلقی
اولنه جغنی کتابلرنده کوروب او قوم مقده یزه کویا
مسلمانلر دنیاده زوجات کثیریه نائلیتله دخی طویه
میورلر بیقوب اوصانه میورلر ایشده آچ کوزلری
انجق آخرتده طویه بیله جك ایش ! اوروپاده
بو قدر مدققین حکما وارباب ظرافت واصحاب
دقت بولند یغنی حالده عجباً نیچون دوشونغا مشرکه
ارکک ایله قادین بیننده کی معامله نك دنیا جه سی
بیله بر ذوق وصفادن عبارت اولیوب تکثیر
تناسل ومحافظه نوعیتك مداری اولدیغنه کوره
آخرتده یکیدن ادامه تناسله لزوم اولیه جفندن
جنت اعلاده حوریلر ایله نائل اوله جغمز نعمت
بودنیا نسوانیله وقوعه کلان مواصلا ته تمامی تمامنه
قیاس ایدیله مامك لازم کلور ؟ بواصر عجیب
وسر غریب براز تدقیق وتبع ایدیله جك اولور

و جنات عالیات حقنده کی اخبار قرآنیہ نک معانی
 دقیقہ سنہ دائرہ محققین کرام طرفندن یازیلان معاونات
 تفسیریہ بردقت تامه و برنظر حکمتله اوقنور
 و از چله جنت نعمتلی حقنده ابن عباس رضی الله
 عنهما حضرتلرینک « انلرک یالکز اسملری نعم دنیا یه
 جکزر » مألنده کی سوزی پیشگاه تأمله کتور یلور
 ایسه جنت و ما فیها ناک آنلرجه متوهم اولان صورتده
 اوله میه جفی در حال تسلیم اولنور .

ایشته مسئله شہوانیہ نک صورت مشروعه سنک
 حلی بورایه قدر بیان اولنان زمین اوزرینه درکه
 کیفیتک دها زیاده تطویلنه حال وزمانک مساعدہ سی
 یوقدر .

برده صورت غیر مشروعه یه کلام : بوصورت
 غیر مشروعه « زنا » کلمه سی التنده مجتمع اولور .
 برزانی وزانیہ حقنده نه یولده معامله ایدہ جکلربی
 اولا برمفتی مسلمان و ثانیاً برپاسدن سؤال ایدہ لم ده
 ویره جکلری جوابدن اکلایه لم که شهوات نفسانیہ یی
 منعده اسلامیتی دها ایلرویه واریور . بوقسه
 نصرا نیتمی ؟

اسلامده برزنا تحقق ایلدیکی زمان اولازانیہ نک

زوجی سن بضعی محافظه ایتدک . آنک محافظه سی
 اوزرینه مبتنی بولنان مقاوله ازدواجیه مزی نقض
 ایتدک « دیه زانیه یی بالتطریق دیگر برناموسلی
 قادین ایله یکیدن ازدواج ایدرکه بوکامفتینک
 هیچ براعتراضی اوله مزه زیر ازوجه سنک ارتکاب
 ایلدیکی فعل قبیحدن طولایی اکا علی لاحق اولیان
 قوجه نک مسئول و معاتب طوتیلی لازم کلز .
 اما زانیه یالکز بوتطریق ایله جزای کافیه سنی بولمش
 دکدر . یره کومیلوب طاشلنهرق اعدامه قدر
 وارمغه مفتی مسلم قتوای شرعیسنی ویرر . اگر
 جنایت زنا بووجهله مرتبه تحقیق و علانیتیه واردیر
 لیوبده قوجه سی یالکز کندی ناموسنی محافظه
 قارینک طردیله اکتفا ایلر ایسه مزبوره قاری
 اوزنا مسئولیتی التنده محشره قدر قالور . عذاب
 اخروییسی دخی پک بیوکدر . حتی صدر اسلامده
 برقادینک بو عذاب آخرتدن قور تلق ایچون حال
 حیاتنده جزای رجم و اعدامک کندی حقنده
 اجراسنی طلب ایلدیکی کتب سیرده صورت محققده
 یازلمشدر . زانی حقنده ده معامله بویله در . ارباب
 زنا متأهل دکل ایسه لر یوز صوباییکله محکوم

اولور لرکه بوجزا ایچنده اولمک دخی ملحوظدر
 متأهل ایسه لر کذلک رجم و اعدام اولنور لر .
 سترخیانته پنجه شریعتدن یقالرینی قورتاره بیلور لر
 ایسه آخرته کی شدتلی جزایه منتظر اولور لر
 قالور لر . واقعا توبه و استغفار قیوسی آچیقدر هم ده
 نادم و مستغفر اولان قول ایله غفور رحیم اولان
 الله اره سنده هیچ برواسطه بولنمیوب باب عفو و
 صفحک خلقه سنه کندی اللریله صار لمقده قول ایچون
 مانع یوقدر . لیکن اوتوبه نك قبول اولندیغنه امنیت
 قطعیه ممکن اوله میه جفندن یوم محاکمه و جزایه قدر
 آنک ایچون قورقق ضرور یدر .

ایشته زنانک اسلامجه حکمی بویله در . شمدی
 خرس تیانجه سنه کله لم :

نصرانیت عالنده و بالخاصه قتوالکک نزدنده
 برقادینک زنانی قوجه سی نزدنده تحقق ایلدی .
 اکر قادین جرم مشهود صورتنده یاقه لانور ایسه
 اور تودقس و پروتستان مذهبلر نجه قوجه سی
 مفارقت کلیه ایله آریله رق دیگر برقادین ده
 آله بیلور . بوقادین دخی انجیل شریفک حکم قطعیه سنه
 مفایر اوله رق بر قوجه یه ده اواره بیلور زیرا

انجیلده زانیه یی تزوج صراحة منع اولمشدر . اما
 قتولک مذهبنده قاری وقوجه یالکزمعاشرتلرینی
 تفریق ایدرک بعدما هیچ بریسی تأهل ایده مز .
 مفارقتلرندن برچوق سنه صکره قادین برچوجق
 طوغوره جق اولسه ینه قوجه سنک صاییلور .
 زنا ایچون هیچ برحد شرعی یوقدر . زمان یسوعده
 برزانیه یی رجم ایتک لازم کلش . هرکس الله
 بررطاش آلوب آتیه جفی صره ده حضرت عیسی «بو
 زانیه یی زنا بی خاطر دن بیله هیچ کچور مامش اولانلر
 رجم ایتسونلر » دیمش . ایچلرنده بو قدر بری الذمه
 آدم بولمادیغدن طاشلری اللرندن براتقشدر .
 یوقعه انجیللرده یازیلیدر . آند نصکره ده بالطبع
 حد زنا ملغا حکمنی آلمشدر .

زناتک کناهی کبائر سائرده ده اولدیغی وجهله
 خرسیتیانلر ایچون او قدر قورقه جق برشی دکلدرد .
 بو جرم پاپاس افندی یه اعتراف ایدیلور . بالطبع
 تحسین ایده مز ايسه ده بر مقدار صدقه و پرهیز
 و عبادت ایتدیره رک انلرک ایفاسندن صکره پاپاس
 افندی غفور رحیم نامنه او کناهی عفو ایدر .
 کناهی کار دخی عفو اولندیغنه اطمینان قلب حاصل

ایدرك راحت ایلیه بیلور .

ابشته مسئله نك خرس تیانجه می دخی بوندن
عبارت اولوب ارتق هوسات شهوانیه بی هانکی
طرفك دهها زیاده منع ایلدیکی بیطرف اولان
برحکیم حکمنه وابسته قالور .

مهدی محمد وهب افندیك اشبو برنجی
قونفرانسه حضرت عیسانك عمرندن اون ایکی
سنه بی زرده ونصل کچوردیکی قتولك کلیسایی
تعیین ایده مدیکی حالد بومسئله کندوسنجه معلوم
اولدیغنی درمیان ایتمی اوزرینه ژونکرس غزته
لرندن برینك محرری اولان بردلی قانلونك میدانه
آتیلهرق بومسئله بی کندوسنه بیان ایتمی رجا
ایلیش ایسه ده مهدی فاضلك امتناع کوستردیکی
بوندن مقدم بالایراد شومسئله نك دخی بشقهجه
هرحی لازم کله جکنی سولیش ایدك . سون غزته می
« روایت اولندیغنه کوره مسلمانلر مارالذکر
اون ایکی سنه ظرفنده حضرت عیسانك هندستانده
بودی مذهبنجه تدقیقات اجرا ایلیش اولدیغنی
ادعا ایده یورلر « دیور ایسه ده مسلمانلرده بویله

برادعا بولنديغى آشكاردر. قرآن عظيم الشانده يالكن
 حضرت عيسانك حضرت مريم دن صورت ولادتيله
 بريغمبر ذیشان اولق اوزره بمشندن وبعض
 مجزاتندن وانجیللرک روايتنه پکده بکزه مامک
 اوزره عاقبت عروجندن بشقه خبر ویرلماشدر.
 عمرندن اون ایکی سنه یی دکل آز وچوقنه قدر
 سنه لری نره لرده ونه صورتله کچوردیکی طرزنده
 مدبر شی یازلماشدر. سیرانیداده بوکا داتر
 ویریلان خبرلردن قرآن کریمده بولمیانلری ینه
 قرآن کریمه مغایر اولماق شرطیله اناجیل وسائر
 کتب نصارادن نقل اولنمشدر.

شوحاله کوره نی مشارالیه حضرتلرینک عمرندن
 اون ایکی سنه یی مذهب بودینک تدقیق ایچون
 هندستانده کچورمش اولسی مسلمانلر نزدنده معتقد
 بولنديغنی سون غزنه سنک بیان ایتسی عالم نصرانیتده
 یکی ظهور ایتش اولان غایت مهم بر مسئله نک تأویلنه
 مدار ارامق غیرتندن نشأت ایش اولدیفنی امید
 ایدهبیلورز. شویله که :

« اوروپاده برجولان » نام سیاحتنامه مزک
 نوروج پای تختی اولان قرستیانیا شهرینه عائد

قسمنده ایجه ایضاح اولندیغی وجهله مستشرقلر
 السنه شرقیه تدقیقاتنی ایلرویه کتوره رک هند
 قدیمک سانسقریت لسانیلله محرر بولنان کتب
 قدیمه سنه وقوف حاصل ایلدکلرنده کورمشلردرکه
 خرسیتیانلرک ممالک یهوداده بوندن بیک سکزیوز
 طفسان اوچ سنه مقدم ورودیغی بانجیل حکم
 ایلدکلری «قریست» نام ذات کبی برذات دخی
 اووقعه دن اوچبیک بشیوز سنه قدر مقدم هند
 ستانده توره مشدر. صورت ظهور وجولانی وکیفیت
 تدریس و تعلیمی بریرینه غایت مشابه اولدیغی کبی
 اسملری دخی غایت مشاهدرد. زیرا اوصاحب ظهور
 هندینک نامی دخی «قریستنا» درکه سانسقریت
 لساننده معناسی «مقدس» دیمکدره. بونی کورنجه
 مستشرقلرک انظار دقتی آچیلدیغی کبی غیرتکاران
 نصارانکده انظار حیرتی آچیلشدر. زیرا نصرانیت
 کلیساسنک ادعاسنه کوره ورود مسیحه قدر نوع
 بنی بشر ذله آدم مسئولیتیلله مسئول اولوب عفو
 و صغح حضرت مسیحک فداسیله حاصل اولمش
 و نصرانیتدن ماعدا هیچ بریرده فیض حقک کسیه
 میسر اولمادیغی و اولهمیه جفی قطعاً حکم ایدلمشدر.

بوادعا وحکم اوزرینه اگر حضرت مسیحدن
 اوچییک بشیوز سنه اول هندستانده دخی
 برقریستنا کلش اولور ایسه نصرانیتیه حصرایدیلان
 فیض ازلی وابدی زده قالمش اوله جقدر؟ مستشرقلر
 ایسه دعواده برقاچ خطوه دهایلر ویه کیدیورلر .
 میلاد عیسازمانلرنده موجود اولان رومامورخلری
 آثارنده جناب مسیحه وآنک تولدورسالت وعاقبتنی
 انظار حیرت انامده بیولتن ظلمت سهروزه مثللو حارقه
 لره داثر هیج برخبر بولنمیدیغنه ویالکز بنی اسرائیلدن
 بریسی ملک ادعاسنه قالمشقی تمثیله صلب ایدلدیکی
 برصورت محصره ده مقید کورلدیکنه وبوفقره نك
 بیله مورخ زوزف تاریخنه صکره دن ادخاله
 اولندیغنه استناداً مستشرقلر انجیللرده حضرت
 عیسایه اسناد اولسان وقایعک هیج بریسی ممالک
 یهوداده سبق ایتش اولیوب بلکه هندستان
 کتابلرنده قریستنا یه هندی یه داثر یازیلان شیلرک
 مؤخرأ یهودایه اسناداً برصورت غیر مکملده
 نقل وروایتیله انجیللرک حصوله کلش بولندیغنی
 ادعایه قدر واریورلر . بوکادائر طرفیندن پک چوق
 اثرلر یازلمشدر . آنلرک مطالعه سندن وباخصوص

غیرتکاران نصارانک امر مدافعه ده سوید کُری.
 سوزلردن کوریلوب اکلاشیلور که خرسیتیانلر حضرت
 عیسانک قطعۀ فلسطینده ظهورندن اول غیوبت
 ایتش اوله جفی سنه لری هندستانده کچورمش.
 اولسنی احتمالندن استفاده ارامغه قدر احتیاج
 کورمکده درلر. اگر بوا احتمال هانکی دیانته منسوب
 اولورسه اولسون بر قوم نزدنده معتقد اولدیغنی
 کورسه لر در حال قبول ایدرک هندستانده کی
 قریستنا خبرلرینک دخی کندی قریستلرندن انتشار
 ایلدیکنی برچوق تأویلات ایله درمیانه قدر
 واره جقلری شبه سزدر. آره ده کی اوچبیک بشیوز
 سنه فرقی ده تأویلات محواید بیلورلر. ایکی شخصک بر
 اولدیغنی حکم دخی بونلر ایچون ایشدن بیله دکلدرد.
 هله حضرت مسیحی هنده کوندروب بعده
 فلسطینه کتورتد کُری اثناده هندستانده بعض
 حواریلر قاله رق بعده فلسطینده کوریلان عاقبت
 حالنی بالاستخبار هند کتابلرینه ده یازمش اولملری
 درجه سنده کی تأویلات یوللری بونلر ایچون هیچ ده
 قپالی قاله مز. اما بوتخمینلر مز برخیاال خامدن
 عبارت ظن اولناملیدر. غیرتکاران نصارا نزدنده

بونلردن دهها مجترانه تأویللار کورلمشدر . مثلاً
قتولک مذهبک برچوق آیینلری هند و چین
طرفلرنده کی بودیلردن آلمش اولدینی بداهه
کورلمکده ایکن خرسیانلغک بودیلردن اصول آیین
اخذ واستراق اینسنه هیچ برلرزم اولیوب بلکه
آنلرده کوریلان آیینلرک او طرفلره قدر انتشار
ایلیان خرسیانلق ناشرلری طرفندن تعلیم اولمش
بولندیغنی یازمشلردرکه بو طرفلرده هنوز حضرت
عیسانک بعثتی وقوعه کلزدن اول همده بیکلرجه
سنه لر اول او طرفلرده بودیلرک اصول مذکورینی
اجرا ایلمکده بولملری درجه سنده برحق تقدملرینی
هیجه صابی ویرمشلردر . یالکز بوده دکل نصرانیتده
دها نیجه تأویلات واردرکه آنلره مقتدر اوله
ییلان غیرتکارلرک بوتأویلاته جراثلری حقیقه
استبعاد اولنه مز .

مهدی محمدوب افندیکنک حضرت عیسی
عمرندن اون ایکی سنهک نه صورتله کچدیکنندن
کندوسی خبردار بولندیغنی نه وجهله ادعا ایلدیکی
بزجه بیلنه مز . سون غزته سنک فقره سنده مهدی
مومی الیه اسناد ابوباده برکونه ایضاحات ویرلماشدر .

احتمالکه آنک بیلد یکی شی دخی مستشرقلرک همتیله
 یکی میدانله چیقارلمقده بولنان اشبو قریستناى
 هندى ماده سیدر. فقط کندوسی نصرانیتله معترضه
 صفتیله میدانله چیقیمیوب دین اسلامک وحدانیت
 الهیه مقصدی اوزرینه مبتنی بولنان اعتقاد حکیمانه
 و معاشرت متمدنانه سنی توصیه غیرتیله میدانله
 چیقدیغندن قریستناى هندى مسئله سنی میدانله
 قویه حق اولورسه شاید غیرتکاران نصارانک
 بغض وعداوتلرینه دوچار اولورم مطالعه سیله
 یوکا دائر ایراد اولنان سؤاله جواب ویرمکدن
 امتناع ایلش اولمایدیر. بومسئله نك بزجه یعنی
 اسلامیت نقطه نظرندن اوقدر بیوک براهیمیتی
 اولیوب حق سبحانه و تعالی حضرتلرینک مہبط
 حضرت آدم اولان هندستانده دخی برچوق
 پیغمبران ذیشان بعث ایلش اوله جنی ویوز یکریمی
 درت بیکه واردیریلان رسل کرامدن قرق اللی
 بیک قدری بیله هندستانده کلش اولسه لرینه اساس
 اعتقاد مزه بر مغایرتی کوریله میه جکی و حق دینیلار
 شی تغیر و تبدیل قبول ایدمه جکندن وحدانیت
 الهیه و اوامر و نواہی ربانییه دائر دنیانک

او طرفنده سويلنش اولان سوزلرك بو طرفنده
 سويلنان سوزلره مطابقتي بزجه مضر اولمق شويلاه
 طورسون بالعكس حقايق الهيه نك بر حقيقت قديمه
 وعموميه اولديغني اثبات ايله مقاصد دينيه مزي
 تقويه ايله جكي مناسبتلريلاه هندستانك وهدا كتاه
 بلرنده مندرج اولان او حكيمانه سوزلري او شاعرانه
 فصايحي كمال لذتله او قومقدن كنديمزي ممنوع
 كوردميز . بزعلم و حكمتي ولو كه چيندن اولسون
 اخذه مأذون ومأمور دكلير ؟ چيندن ده آلورز
 هندن ده ! وحدانيتيه دائر يا كاش شيلر كورر
 ايسه ك رد ايدرز . كندى اعتقاد مزه موافق شيلر
 كورر ايسه ك قبول ايدرز . هم الك غريبى شو كه
 بوله جغمز شيلرك اغلبنى مقاصد توحيديه مزه
 موافق ده بولورز . مثلاً الله ذى الجلالك اسمى
 « صوايا مبهوا » اولديغني كوريرز كه سانسقريت
 لسانيله بوكه نك معناسى « قائم بذاته » ديمك
 اولديغنه ده واقف اولنجه بالطبع ممنون اولورز .
 كتب هندية ده حقائق وحدانيه وتربيه انسانيه
 دائر مندرج اولان شيلر حقيقه نفس آثار دندر .
 بونلردن بك آزينى برآراقى تر جان حقيقت غزته .

سنده دخي نمونه اوله رق اراڻه ايلش ايدك .
 وقتن اولسه دهها برچو غني ده ترجمه ونشر ايلو
 ايدك . بونكله كوريلور ايدى كه خاتم الانبيا
 عليه اكل التحايا افندمن حضرت تلرينك برطاقم ظنون
 باطله دن تجريد وتصفيه ايله كائنا ته يكي دن تعليم
 بيوردى دىن آلهينك اساس وفروعى آندن دوت
 بش بيك سنه اوللرندن برى پيغمبران ذیشانك
 تعليم بيوردقلى حقائقه نه قدر موافقدر. بونقطه
 نظر دن صاحب مولد سليمان افندى حضرت تلرينك
 شو :

مصطفى نورينى الننده قودى
 بيل حبيم نوريدر بونور ديدى
 قيلدى اول نورانك الننده قرار
 قالدى انك ايله نجه روز كار
 صكره حوا الننه نقل ايتدى بيل
 طور دى آنده دخي نجه آى وييل
 شيث طوغدى اكا نقل ايتدى بونور
 انك الننده تجلى قيلدى نور
 اشبو رسم ايله مسلسل متصل
 تا اولنجه مصطفى به منتقل

کلدی چون اول رحه للعالمین

واردی نور آنده قرار ایتدی همین

ابیات شریفه سی امان ایلله او قنور سه کوریلور که
 بوندن اون اوچ عصر مقدم جانب جازدن طلوع ایلله
 جهانی مستنیر ایللیان نور حقیقت الهیه زینت
 افزای ساحه سرانندیب اولان حضرت ابوالبشر دن
 یوز یکر می در تبیک پیغمبر ناصیه لری وساطت ایلله
 مسلسلا متصلا کندیلرینه انتقال ایشدر. عقلا
 و شرعا ممنوع برشی وار ایسه اودخی اونور
 حقیقتک ناصیه جناب مصطفاده قرار و تمکینندن
 صکره بشقه بر ناصیه ده دخی تجلیسی قضیه سیدره.
 خاتم ختام نبوت ارتق بوخیالی محالدر دیه امضا
 و تختم ایشدر.

نه بختیارز که ادیان سائره اربابی دوچار
 تلاش ایللیان قدم حقیقت قضیه سی بزی بالعکس.
 دعوا مزده تأیید ایلور !

سوز صره سی کلش ایکن بوراده شو قریستنای.
 هندی ماده سنک فصل میدان چیقارلمش اولدیفنه.
 دائر بعض معلومات ویره لم ده بو مسئله یه ده انکله
 ختام ویره لم :

هم مستشرق هم سیاح صفتیله اشتهار ایدن
 لوئی ژاقولیو نام فاضله کلنجیه قدر مستشرقین
 سائر هندستانده حضرت عیسایه اسماً و حالاً پک
 مشابه بر ذاتک میلاد عیسادن اوتوز بش عصر
 قدر مقدم کلمش اولدیغنه دائر کتب هندیهدن
 بعض خبرلر المشر ایدیهده کیفیتی مکمل اوکرومه
 مامشر ایدی . زیرا اخبار مذکور دنک تمامی
 « پراسادا » نام هند کتاب قدیمده مندرج
 اولوب بر همنلر ایسه بونسخه یی ایادی اجانبه
 کچور مامکه زیاده سیله غیرت ایلورلر ایدی .
 پراسادانک بعض فقره لری کتب سائر هندییه
 نقل ایدلمش بولندیغندن مستشرقلر انلری اوقویه رق
 وقوف جزیه لرینی حاصل ایتشلر ایدی .
 لوئی ژاقولیو سانسقریت لسانی غایت مکمل
 اوله رق اوکرشمش و همده بوتحصیلی مکتبلرده
 دکل هندستان سیاحتلرنده اکمال ایش بر آدمدره
 اثنای سیاحتنده « دکان » ولایتنده « بجاپور »
 خرابات مشهوره سی یاننده و « ماندووا » شهری
 کنارنده « نانداپور » قریه سنده ایکن بر « پاندا
 رون » ایله ملاقات ایش . پاندارون دیمک تسأل

ایله کویدن کویه کزر و کتب مقدسه هندیه پارچه-
لرینی تغنی ایلمر برنوع برهمنلره دینیلور. بو پاندارون
قریه مذکوره اهالیسنه برطاقم بیتلر اوقورایمش که
مؤدالری قریستنایه دائرایمش. قریستنانک
پدر و والده سی کیلمر اولدیغی حکایه اولنورایمش.
اوقودیغی شی نه اولدیغی لوئی ژاقولیو طرفندن
سؤال اولندقده پاندارون :

— قریستناسیا اوکتی ویدسانه وانه دیمش که
بوسانسقربت کلماتک معناسی « یبانی اورمانلرده
قریستنانک کلاملری » دیمک اولدیغی اکلاینجه
سیاحک نظر دقتی آچیلش و :

— بوسوزلریکی سوزلره بکزه میورلر . بونلر
کیمک اثریدر ؟

سؤالنی ایراد ایدنجه پاندارون بوسوزلر
پراسادا کتاب قدیمک بربابنی تشکیل ایلدکلری
خبرینی ویرمش. ارتق لوئی ژاقولیو ده کی تلاشی
تعریفه حاجتمی واردر ؟ فقط پاندارونه رنک
و یرمکسزین یواش یواش شوپراسادا کتابنی
کندیسی ده کورمک آرزوسنده بولندیغنی بیان
ایدوب پاندارون دخی :

— داروان معبدنده کی نسخه عتیقه دن استنساخ
ایشمدر .

دیه قیونندن چیقاردینی نسخه بی سیاحه ویرمش .
برکزه ژاقولونک الله کچن نسخه بردها چیقمرق
قابیلدر ؟ بریاندن پاندارونه برچوق پاره لر ویردرک
وودیگر طرفدن ده براز نهیدید کوسترمرک نسخه بی
ایدنمش اما اصلنه موافق اولوب اولدینی خصو-
صصنده هنوز امنیت کامله حاصل ایده مدیکدن
اولا کتابی باشدن اشغی به قدر از برلکدن صکره
ویل نور معبدینه کدوب اوراده کی نسخه بی ده
کوزدن کچورمش . زیرا بر زیارت سطحیه اییون
برهمنلر ممانعتده بولناملر . کنندی محفوظلی
اولان متونک اوراده کی نسخه به موافقتنی که رنجه
ژاقولیو سوونجندن چیلدیردق همان ترجمه
باشلامش و ترجمه لرینی نشر ایدرک آندن صکره
سائر مستشرقلر دخی ایشه قارشغله پراسادا محتویاتی
بازار معرفتده اوجوزلامش کیتشدر .

بوکتابک ویردیکی خبره کوره میلاد عیسادن
او توز بش عصر قدر مقدم مادورا قرالنک
همشیره سی لاقی برقز طوغورمش بوقز یوزندن

بر طاقم عجایب و غرائب حصوله کله جکی طرف
 ربانیدن لاقی به اخبار واسمک « دیوانا غی » تسمیه
 اولنسی امر ایدلمش که « صنع الله » دیمکدره دایسی
 اولان قرال بوقزدن طوغه جق بر او غلنک کندی
 بر بادینه سبب اوله جفنی کهنه واسطه سیله بالاستخبار
 دیوانا غی و بالاخره طوغوردیفی قریستنایی ازاله
 ایچون تشبث ایتمک حیل و خدعه بر اقامش . ایشته
 انا و اوغل صون حدانیده محفوظ قاشلر .
 دیواناغیدن قریستننک تولدی انجیللرده حضرت
 عیسائک حضرت مریمدن نفخ روح ایله صورت
 تولدینه پک مشاهددر . آندن صکره قریستننک
 بر محاربه ده هلاک اولان بیکارجه عسکری احیا
 و اوج آووج پرنج ایله بر قحط ائناسنده بر چوق
 اهالی بی اعاشه و کورلری طوپاللری تداوی ایتمی
 کبی کوستردیکی خوارق عادات دخی انجیللرده
 حکایه اولنان معجزات عیسویه پک یقیندرلر .
 خریستیانلرک قریستیه هندلیلرک قریستناسی
 آرمسند بر فرق وار ایسه اوده قریستک ربوبیتی
 انجیق دردنجی عصر میلادیده جبراً و تعمیماً اعتقاد
 ایتدیرلدیکی حالده قریستننک هند معبودی ویشنونک

اوغلی اولوب آنک ربوبیتنه اشتراکی دها حال
 حیاتنده ایکن قبول ایدلمش بولمغسندن عبارتدره
 ایشته مهتدی محمد وهب افندینک ایلاک قونفرا-
 نسینده حضرت عیسانک مدت حیاتندن اون ایکی
 سنه نك نزه لرده ونه صورتله کچدیکی کسه یه معلوم
 اولدیغی حالده کندوسنه معلوم بولندیغنه دائر
 سولش بولندیغی برسوزک جلب انظار دقت
 ایلسی وبرغزته محررینک اورته یه فیولایه رق
 بومعلوماتی کندوسنه ده تبلیغ ایتسی ایچون رجاده
 بولمسی اشبو قریستنای هندی ماده سندن نشأت
 ایش اوله جفنی قویاً ظن ایلرز . مهتدی طرفندن
 بعدما ویریه جک ایضاحات بو ظمنزک بطلانی
 کوسترر ایهه بالطبع قارئلرمزی اندن ده خبردار
 ایدرز .

*
* *

شمدی ینه بوقونفرانسه عائد مسائلدن اوله رق
 بر مسئله دها قالدی که اودخی نسوان اسلامک
 استتار واحتجابی مسئله سیدر . یوقاروده ویریلن
 معلوماتی ذهنلرنده حفظ ایدن قارئلرمز تحظر
 بیوررلرکه بس بلای ینه دو قوتور غابریه لیان افندی

طرفندن و یا خود بشقه بریسی جانبدن ایراد
اولنان بر-شوالک جوابی اولق اوزره مهتدی
محمد و دب افندی « نسوانک تستر ایتسی فکری
عادات مملکتدن اولوب دینجه برشی دکدر .
تستر عادتق محافظه عفت و عصمت مقصدینه مبتنیدر »
دیمش ایدی . بومس-شله ده دخی بعض حقایق
واردرکه انلری میدان قویق کرک اسلام کرک
خرستیان جله ایچون فائده دن خالی دکدر :
کرک اسلامیته و کرک بشقه بردینه و یا خود مذهبه
قومه ملته برشی اسناد اولنه جنی زمان اول باول
دوشونمیلدرکه او اسناد اولنان شی اودینک و یا-
خلقک مخصوصاتندن اولوب بشقه کسه ده بولنزمی
یوقسه اوشی عیناً و یا خود قسماً بشقه لرنده دخی
بولندیقی حالده برازی و یا تمامی او اسناد اولنان
خلقده می واردر . اکر بوراسی تدقیق اولنقسزین
اولو اورته بر حکم ویریلور ایسه دهامبادیسسنده
دوچار خطا اوله رق کورنلرک ایشیدنلرک تصویب
و تصدیقلرینه نائلیته بدل تعجب واستهزالرینه
دوچار اولور . مثلاً نسوانک استتار و احتجابی
اسلامه حکم ایدن اکر دو قنور غابریه لیان افندی

ایسه بو حکمی ویرمزدن اول بو عادتک بشقه لرنده
 دخی بولنوب بولمندیغنی دوشو نسه ایدی یاوالده سی
 ویا خود قادین نسه سی دودونک دخی فراجه لی
 یا شما قلی زماننی چوجقلقده کورمش اولدیغنی
 نخطر ایدرک :

— کرچک ! بزم ارمنی قادینلری دخی یقین
 وقته قدر مستور ایمشله !

دیر ایدی ده بو حکمی اسلامه حصردن امتناع
 ایلر ایدی .

حالبوکه دو قنور غابریه لیان افندی نیک نخطر
 ایلدی کی زمانلرده ارمنی قادینلری نیک مستوریتی
 ارتق زواله ایرمش و بونلرک رفع پرده استتار
 ایله الافرانغه قیافته کیره جکلری زمان همان
 کلش صایله بیلور ایدی . لکن بوندن ایشک براز
 دها کیروسی استدلال اولنق لازم کلنجه استا .
 نبولک ارمنی نسواننک بالکلیه مستوریتی ده حکم
 ایلک کوجلاک کوسترمز .

بو حال استانبوله مخصوص اولوب فی الواقع
 بر زمان استانبولده روم و یهودی نسواننک دخی
 مستور اولدقلری اوقوملر نزدنده ده منکر دکلدرد .
 الافرانغه اولغه روملرک اول باشلامش و یهودیلر

ایله ارمنیلر انلره نسبتله تأخرايشلردر. حالبوکه
 برده دیاربکر وبغداد کی یرلره کیدر ایسه کز
 کورر سکزکه خرسیتیان ویهودی نسوانی دخی
 عینیه نسوان اسلام کی چار شافله بورونورلر .
 وبوزلرینه قیلدن پچه لر قویارلر . اکر استتار
 وانکشاف مسئله سی اسلامه مخصوص بر مسئله
 اولسه ایدی بواقوام غیر مسئله نک نسوانی دخی
 بویه مستور اوللمی ایدی ؟

شوحالی یالکز بزم ممالک شرقیه یه مخصوص
 صانع دخی یا کاش اولور . ممالک غربیه ده
 دخی بو حال واردر . از جمله راهبه لرک کافه سی
 مستوره درلر . زیرا کافه سی صاچلرینی کسه رک
 ویاخود برطاقیه ایله ستر ایدرک اوزرینه دخی
 درلو اورتولر علاوه سیله قادین قسمنک ال بیوک
 زینتی اولان صاچلرینی کوسترمز لر . اسلامده کی
 استتار دخی اساساً زینت عد اولنان ممه وکردان
 وصاچ وبالدیر کی شیلرک سترندن عبارتدر .
 ستر عورت ایسه ملل متمدنک کافه سنده قانون
 حکمنی الدیفی کی حتی اقوام غیر متمدنه بیه
 بر پارچه دری و یاخود یاپراق وسائر ایله

ستر عورت موجود اولدیغنی سیاحلرک ائارنده
کورمکده یز .

برازدها کپرویه طوغری ارجاع نظر ایدلم :
حضرت مریمک رسمی هر کلیساده وارد ر . حضرت
مشار الیهانک رسمی باشی اورتولی عادتا مستوره
اوله رق یاپیلور . بوا یسه ایشته صدر نصرایتده
دخی قادیلرک مستوریتندن قالمه برشیدر که بوندن
بیوک جالب اهمیت بر حال اوله مز .

قالدی که مستوریت نسوان ایکی صورته منقسم
اولق طبیعیدر . برنجیسی خانه سنده بر احتجاب
وایکنجیسی خانه سندن طیشاریده بر مستوریتدر .
خانه دن طیشارییه چیقلدیغی زمانکی مستوریت
اسلامدن ماعدا غیر مسلم اولان خلکک دخی مشترک
بولندیغنی یوقاروکی ایضاحات اثبات ایلشدر .
انلره ضمیمه شونی ده اخطار ایدلم که : بعض
اقوامک قادیلری ایچون ارککلرله اختلاط عدم
مستوریت عد اولنیور ایسه بونده دخی نسوان
اسلامک اغلی اقوام سائر یه مشترکدر . بوشناقلمده
ارناوتلرده چرکسلرده کردلرده عربلرده حتی
یوروک جنسندن اولان ترکلرده والحاصل بر درجه یه

قدر بد اوت حالنده یا شایان اقوام اسلامیہ عند لرنده
 قزلر هیچ استتار ایتمدکری کبی قادینلردخی یالکنز
 کردانلرینه ویا خود باشلرینه برر بز قویعقله
 بالا کتفا امور بیتیه واجتماعیه لرنده ارککار ایله
 اختلاطدن قطعاً ممنوع دکلدر لر. شرعاً دخی ممنوع
 دکلدر لر. شرعاً قادینلرده حق تجارت دخی وارد ر.
 « قادینک یوزی نامحرم دکلدر . صاحبزینی ستر
 ایتمک شرطیله قادین چارشی بازارده هراستدیک
 ایشی کوره بیلور . حتی بعض دعاویده » شو قادین
 فلا نجه نك زوجه سمیدر . « دیه ایدیلر جك استشهاده
 اجرای شهادت ایچون او قادینی طایبق تشخص
 ایتمک لازمدر که بوده انک یوزینی اولدن کورمش
 یولنغه توقف ایدر . دیمک اولیور که بعض جهتدن
 ملل غیر مسلم قادینلری نسوان اسلامه و بعض
 جهتدن نسوان اسلام ملل غیر مسلم قادینلرینه
 مشابه و مماثل اوله رق بو حالده ثابت اولور که استتار
 وانکشاف مسئله سی اسلامه مخصوص و بشقه لرنده
 مفقود بر مسئله دکلدر .

خانه دروننده کی احتجاب ککنجه : من القديم
 الی الان قادینلر کندی خانه لری دروننده کند.

یله رینه مخصوص اولان دائره لرده اوتوروب انلرك
 امور نسوانیه سنه اركلارك واركلارك امور
 مردانه سنه قادينلرك قارشماسی بالجه ملل قمتدنده
 كورلمشدر. يونان قديمده روماده بويله اولديغی كی
 حالا اوروپاده دخی ماداملرك بودو وارلری آ پار
 تمانلری آیری اولسی او عادت قديمه نك بقیه سیدره
 غایتی اوروپاده بو عادت كركی كی حكمدن
 دوشوریلرك بعض صنوفنده قادينك اركلدن
 فرقی قالماسی درجه سنه وارلسی نه دینجه نه قانونجه
 هیچ براساس متینه یه مبنی اولیوب عادتا بر اثر اعمال دن
 عبارتدر كه قادينلره اركلارك بودرجه لره قدر
 مخلوطیتنی اوروپا اخلاق یوننك دخی بكنه مدكلری
 هر كون میدان انتشاره وضع ایدیلن آثار حكیمیه
 لرنده كورلمكده در .

قادينلرك خانه لرنده كندی دائره لری داخلنده
 وخارجده ناس بیننده درجه مستوریتلری مرتبه
 اجتماعیه لرینه متناسب اولق طبیعی و ضروری اولوب
 بو حالده اهالی بداوت الك آز مستور قله رق آنلره
 نسبتله اهالی قرادها زیاده جه مستور و اهالی
 قرایه نسبتله اهالی بلدان دهها مستور اولوب

ھايت اھالىٰ بلدانك كىبار طاقى صغار طاقندن
 بالطبع دھا زيادۂ جه مستور اولور . اوروپا
 كويلرندن بريسندە قويلر ينى كودن يارى چپلاق
 بر كويلى قز جغزى ايله پاي تختلرك بريسندە بر معتبر
 قونتسك مستورى قى مساوى اولورى ؟ هر راست
 كلن اصللى اصل سز آدم طوغرىجه قونتسك دائرە سنە
 كيرە بيلورى ؟ قونتس سواقە چيقدىغى ژمان يالكن
 يوزندن بشقە وجودينك بر عضوى كوريله بيلورى ؟
 حتى يوزينه بيله بر تول دوواق قويغى ؟ بر تول
 دوواغك نەدن قالدىغى ونە معنايه دلالت ايلدىكى
 عجباً نچون دوشونلر ؟ بو پرده كر يوزى كونشدن
 محافظه ايچوندر دنيله جك اولسه پرده او محافظه
 ايشنى كورە ميه جك قدر سكر كدر . ايوجه دوشو
 نيلور ايسه هيچ شەهه قالمزكه مذ كور دوواقلر
 او وجهلرك بيله انظار رجالدن سترى محجوبيت
 طبيعئە نسوان مقتضياتندن اولوب فقط اطرافنى
 كورمكدن وتنفس ايلكدن صاحبه سنى منع ايتامسى
 ايچون اينجه اولسى اختيار ايدلمشدر .

الحاصل دوكتور غابريه ليان افنديك ويا خود
 قونفرانس اصحابندن بشقە بر ذاتك استتار نسواندن

طولايي اسلامه اعتراض ايدييورم ظنيله بوسوزي
سويلى اسلامه اعتراض دكل حقيقت حالده
طبيعت مصلحته اعتراض ديمك اولوب يوقسه
مستوريت خصوصنده اصلا واساساً وطبعاً وعادتاً
حالا بيله اوروپا نسوانيله نسوان اسلام آرده سنده
پك بيوك برفرق يوقدر . اوروپاده قادينلرك
آپارتمانلرينه هر كسك كيرى ويرمى ممكن اولد-
ميوب بوكا جسارت ايدلديكى كوروليور وبالولرده
مسامره لرده اركك قادين اجتماع ايليورايسه بو حاللر
كرك دينه وكرك طبيعت وعادته قارشو برسؤ
استعمال اولديغنى انكاره مجال بولميوب بوسؤ
استعمالاتى ايسه برطرفدن رهاين وديكر طرفدن
اخلاقون ذم و تقبيحدن خالى قالميورلر . بزده
دخى برقادينك دائره سنه طبب كى جراح كى
محافظه صحت خدمتكار اولانلر ومأمورين قوانين
كى احقاق حق ايدنلر وحتى لزومنه كوره
قويوبجى كى تحفجى كى صراف كى صاحبه
خانهك خدمتنده بولنانلر اصول وقاعده سى تحتنده
كيره بيلورلر . فقط بزده سؤ استعمالاتى منع ايچون
هر درلو لوازمه رعايتده قصور ايدلماش اولديغى

جهتله قادينلرك ارككارله اختلاطى اقتضاي
حقيقى درجه سنى كچورلماشدر .

كذلك براوروپا مادامك سوقاغه چقدىنى
قيافته صاحبلرينى ستر ايدىك برشى دها علاوه
اولنسه واکر آرقه سنده مانتوسى يوق ايسه
وجودينك قابى واندامنك لطافتى دخى زينت عد
اولنه جفندن آنى ده انظار اغياردن ستر ايچون
آرقه سنده برده مانتو آلسه ايشته تمام مستوريت
اسلاميه حكمنه كيرمش اولوركه بوقيافته چارشو
وپازارده كوريله جك ايشلرينى كورمكه اصلا
ممانعت ايديله مز . حتى اللرندهكى الديوان بيله
فضله اولوب شرعاً برقادينك آووجلرى نامحرم
دكلدر .

مع هذا محمد الكساندر ودهب افنديك دفع
اعتراض ايچون ويرديكى جواب دخى صوابدره
بواستتار واحتجاب مسئله سى هر قومك كندى
عادات مخصوصه سى مقتضياتندن اولوب اسلامك
بوابدهكى قانون وقاعده سى ايسه حد طبيعیه دن
خارجه چيقيماشدر .

محمد الکساندر روسل وهب افندی حقنده
 بر مخبر مخصوص طرفندن بزه تبليغ اولنان محررات
 مخصوصه ايله سون غزته سی مقطوعانه آرتق
 نهایت ویرمک لازم کلاشدیر. زیرا مهتدی مشارالیه
 هندستاندن آمریقایه بالوصول بعض خصوصی
 صالونلرده برایکی قونفرانس ویردکن صکره
 کندی مؤسسه اسلامییه سنه موفق اوله رق تصمیم
 ایلدیکی غزته یی دخی « مسلم وورلد » نامیه
 طبع ونشره باشلامشدر .

هندستان اهالی مسله سی طرفندن جمعی مخبرات
 سالفه میاننده مذکور اولان اعانه لردن نه مقداری
 طویلانه بیاش اولدیغنه دائر قطعاً معین بر خبر
 آله مدق ایسه ده محمد وهب افندی ک بر اجتماع
 بر کتبخانه بر مطالعه صالونی و برده غزته تأسیس
 ایده جکی حقنده مخبرات سالفه میاننده مذکور
 اولان تصمیماتی کاملاً وجوده کتوردیکی
 کورولمکده در .

کندیسی نویورق شهرنده یرلشمشدر . تأسیس
 ایلدیکی غزته « مسلم وورلد » یعنی « اسلامیته
 عالمی » نامنده اولوب ایکنجی « برنامه سنده دخی

بوغزته نك آمریقاده کی نشر اسلامیت غیر تکاراننك
 منافعه مخصوص اولدنی بیان اولمده در .
 غزته نك سرنامه سنده عرب طرز معماری سنده
 یاپیش ایکی مناره لی برجامع شریف رسمی اوزرنده
 برده علامت مفتخره ملیه من اولان آی ییلدیز
 شکل جلیلی واردر . بوغزته نك ایلك صحیفه سی
 مصور اولوب انتخاب اولنان رسملر ایسه ازجمله
 هندستانده دلهی شهرنده نظام الدین مرحومك
 تربه سی کی هپ مؤسسات اسلامیه دأر شیلردر .
 بوغزته نك ژاپونیا ده چینده هندستانده ترکستانده
 ایرانده مخابرلری اولدنی دخی بیان ایدلمکده در .
 غزته درت صحیفه لك برقاب ورقه سندن ماعدا
 اون التی بیوک صحیفه دن عبارتدر که مندرجاتی هپ
 حقایق اسلامیه نك شرحندن وینه بوکا دأر بعض
 کسه لرك ایراد ایلدکری اسئنه نك خلندن عبارتدر .
 یومیه پك چوق کسه لر مهتدی محمد ودب افندی
 حضرتلرینه مراجعت ایدرك حقایق اسلامیه دأر
 برچوق سؤال لر ایراد ایلد جوابلرینی آئقده و برطاقم
 کسنه لر دخی مهتدی مشارالیهك هرکسه آچیق
 بولنان کتبخانه اسلامیه سنه دیانت محمدیه و ملل

اسلامیه دائر انکلیزجه مطبوع اولان آئاردن
 اهدا ایتکده درلر . آنجق ایشک شوجهتی برار
 تأسفه شایاندرکه حقایق اسلامیه دائر وقوع
 بولان مجاوبات و مباحثات شو استبشار مزده نمونه لری
 کورلدیکی وجهله علوم و معارف اسلامیه ده متعمق
 بولنان ذواتک دائماً محتاج اکمال جهتلرینی بوله .
 بیله جک درجه ده اولوب بوندن دخی حضرت
 مهتدینک معلومات اسلامیه سی تشبث ایلدیکی امر
 خیره پک ده متناسب اولدیله جک درجه ده بولندیغی
 استدلال قلمقده در . فقط بوندن طولانی شوذات
 محترمک اهمیت عالیه سنه نقصان تطرق ایده بیله جکی
 خاطر مزه بیله کله مز . زیرا کندیلری عالم
 اسلامیه یکی کیرمش والسنه و علوم اسلامیه ناک
 عن اصل یبانیجیسی بولنش اولدیغندن بالسنه
 پک آز بر زمان ظرفنده کندینه قناعت کامله که جک
 مرتبه لرده حقایق اسلامیه وقوفی بیله جداً
 شایسته پسند احوال نادره دندر . شو ایضا جزء
 نظر ااسلم و ورلد غزته سنک کافه مندرجاتنی اشبو
 اثر مختصرده نمونه سی کورلدیکی وجهله بالانتقاد
 نواقصنی اتمام لزومنه قناعت قلبیه و وجدانیه مزی

کتم ایدہ مزایسہ کدہ بو حال صوکی کلز بر مشغولیت
تشکیل ایدہ جکندن اجرا جہتک محالاتدن اولدینی
بدیی و آشکاردر .

محمد و دہ افندی حضرت تری مسلم و وورلد غرتہ .
سندہ هر مراجعت ایدنک نظر استفادہ سنہ آچیق
بولن ان کتب خانہ اسلامیہ نک کتب موجودہ سی
دفتری دخی درج و نشر ایلور . بونلر یوزدن
متجاوز کتب و رسائلدن عبارت بولنوب اکثر بی
رسول الله افندمن حضرتلرینک سیر و ترجمہ حالنہ
وعربک قبل الاسلام درجہ مدنی ایلہ دیانت
صائبیہ احوالنہ واقوام اسلامیہ نک احوال جغرافیہ
و تاریخ سنہ و حکومت اسلامیہ شرعیہ و سائر دیہ
دائر شیلر اولوب کافہ سی دہ انکیز لسانیلہ مؤلفدرلرہ
یا لکن برایکی قرآن ترجمہ سیلہ بردہ تفسیر کشاف
اسامیسنی کتب موجودہ میانندہ کورہ بیلکدین .
معارف اسلامیہ نک بودرجه سبلہ ترقیات اسلامیہ یی
کوستره بیات ممکن اولہ میہ جغنه قائلیتلہ مثلاً ابن سینا
وابن رشد کی حکما و جلال الدین رومی و عبد
القادر کیلانی و سید احمد الرفاعی کی مشایخ و حد
و تعدادہ صیغمن ادبا آثارندن حکمت و تصوف

و ادب و اخلاق اسلامیه د اثر برچوق نمونه لرك
 ترجمه و نشرینه قدر خیالات ايله تمنیات غیر تكارا-
 نه مزی آنجق تحدید ایلیه بیلورز . زیرا بزجه
 اوروپانك سربستی افكار و عقاید اربانك نظریاتی
 معلوم اولدیغندن بونلرك حقایق اسلامیه یی
 همه حال قبول ایلیه جكاری محققاتدن بولنوب
 فقط یالكر توحید باری و استتار نسوان و تعدد
 زوجات کی مسائل ايله بونلرك محتاج و منتظر
 بولندقلری حقایق نظر استفاده لرینه كشف ایداش
 اوله میه جغندن غوامض اسلامیه نك كافه سی بحق
 ترجمه و نشر ایدمیلدرکه نزد مزده کی محفیت ماده
 و فعلا دخی حصوله کاه بیاش اولسون .

بونكله برابر ایشك بودرجه سی بریلده بش
 ییلده سهولت کامله ايله حصوله کلی ویرا اعتقادنده ده
 دكلز . هر حالده لیورپولده بر عبدالله کی ایام
 و نویورقده بر محمد و ب افندی نك ایلک نظریه اسلامیه یی
 وضع ایده بیاش بولنملری بزجه پك زیاده شایان
 اهمیت شیلردن اولوب ایشك الكمشكل جهتی
 برکزه بوصورتده حصوله كلش اولدقدن صکره
 توسیعات و ترقیات مطلوبه نك دخی بالتدریج حصوله

کله جکني الطاف و توفيقات سبجانيه دن اميد ايلرزه
همان حق جل و علا حضرت تلي ديانت جليله اجديه
بويله خلوص بال ايله خدمتکار اولانلري تشبثات
واقعہ لرنده موفق بالخير بيورسون آمين .

(انتها)





1
2
3







BP
170
.3
A34